


Guía de recursos
para as
familias
2012

XUNTA DE GALICIA



1ª ed., 2012

Edita:

Xunta de Galicia

Consellería de Traballo e Benestar

Secretaría Xeral de Política Social

Lugar:

Santiago de Compostela

Ano:

2012

Desde o convencemento de que a familia constitúe o núcleo esencial da nosa sociedade, a Xunta de Galicia pon en mans das familias galegas a Guía de recursos, co obxectivo de facilitar toda a información actualizada sobre todas aquelas axudas e servizos relativos á mellora da calidade de vida de cada un dos seus membros.

No contexto actual de crise económica, considérase moi relevante que todas as familias poidan beneficiarse de todos os recursos ao seu alcance, para mellorar a súa situación. E especialmente no caso de familias con vulnerabilidades específicas, como son a discapacidade ou a dependencia.

Esta guía tenta achegar claridade sobre as vantaxes fiscais, permisos, centros e outros apoios ás familias, tanto da Administración autonómica e os seus diversos departamentos como doutras.

Como conselleira de Traballo e Benestar, agardo que este manual sexa un bo aliado das familias, xunto ao resto de políticas que estamos a poñer en marcha desde o Goberno galego.

A conselleira de Traballo e Benestar

Beatriz Mato Otero

Queremos poñer á disposición da sociedade galega o conxunto de actuacións públicas en materia de apoio á familia que, asentadas no mandato legal proclamado pola Constitución española e pola Carta de dereitos fundamentais da Unión Europea, recoñecen a importancia do papel da familia na construción das sociedades, establecendo a obriga dos poderes públicos de garantir a súa protección social, económica e xurídica.

Nestes momentos existe no noso contorno un conxunto de políticas procedentes de diferentes ámbitos de competencias que pretenden responder ás necesidades das familias e/ou dos diferentes grupos de convivencia, pero que precisamente por emanar de diferentes departamentos e de distintos niveis da Administración, corren o risco de dispersarse e duplicarse, se non existe unha liña vertebradora que as integre, as complemente e procure a súa efectividade.

Por iso, a Guía de recursos para as familias 2012 pretende ser un documento sinxelo e áxil que, facendo un esforzo de recompilación nunha única publicación, poña ao alcance da cidadanía o conxunto de medidas e beneficios fiscais, prestacións económicas, permisos e excedencias, servizos de apoio, plans e programas, así como outras axudas e recursos orientados ao benestar das persoas e das familias que integran.

A secretaria xeral de Política Social

Coro Piñeiro Vázquez

1.PRESTACIÓNS DA XUNTA DE GALICIA 10

1.1.	Prestación económica por fillas e fillos menores de tres anos.....	11
1.2.	Axudas ás familias numerosas	12
1.3.	Carné familiar galego.....	16
1.4.	Recoñecemento ou asimilación a categoría de descendente da filla ou fillo concebida ou concebido	17
1.5.	Axudas a traballadores con redución de xornada laboral	18

2. PRESTACIÓNS ECONÓMICAS DA SEGURIDADE SOCIAL 21

2.1.	Prestación económica por parto ou adopción múltiple	22
2.2.	Prestación económica por filla, fillo ou por acollemento dunha ou dun menor a cargo.	23
2.3.	Prestación económica por nacemento ou adopción de fillas ou fillos, en supostos de familias numerosas, monoparentais e nos casos de nais con discapacidade igual ou superior ao 65%.....	26

3. PERMISOS E EXCEDENCIAS 28

3.1.	Permiso de maternidade	29
3.2.	Permiso de paternidade	33
3.3.	Risco durante o embarazo e lactación natural	34
3.4.	Redución da xornada laboral por lactación	35
3.5.	Redución da xornada laboral por coidado de menores e outras persoas da familia.	36
3.6.	Redución de xornada por coidado de menores afectadas/os por cancro ou outra enfermidade grave.	37
3.7.	Outros permisos	39
3.8.	A excedencia	41

4. BENEFICIOS FISCAIS DE ÁMBITO GALEGO 44

A- Imposto sobre a renda das persoas físicas.....	43
4.1. Dedución fiscal por nacemento ou adopción de fillas ou fillos	45
4.2. Dedución por familia numerosa	46
4.3. Dedución por acollemento	47
4.4. Dedución por coidado de fillas ou fillos de tres ou menos anos de idade	48
4.5. Dedución por suxeitos pasivos con discapacidade, de idade igual ou superior a 65 anos, que precisen a axuda de terceiras persoas	49
4.6. Dedución por gastos dirixidos ao emprego de novas tecnoloxías nos fogares galegos	49
4.7. Dedución por aluguer de vivenda habitual.....	51
4.8. Dedución para o fomento do autoemprego.....	51

4.9.	Dedución por investimento na adquisición de accións ou participacións sociais en entidades novas ou de recente creación.....	52
4.10.	Dedución por investimento en accións de entidades que cotizan no segmento de empresas en expansión do mercado alternativo bolsista.....	53
	B- Imposto sobre sucesións e doazóns.....	53
	C- Imposto sobre transmisións patrimoniais e actos xurídicos documentados.....	55

5. MEDIDAS E BENEFICIOS FISCAIS DE ÁMBITO ESTATAL..... 58

5.1.	Redución por tributación conxunta.....	599
5.2.	Mínimo persoal e familiar.....	60
5.3.	Dedución por maternidade para mulleres traballadoras con fillas ou fillos menores de 3 anos.....	63
5.4.	Dedución por obtención de rendementos do traballo ou de actividades económicas.....	64
5.5.	Dedución por aluguer da vivenda habitual.....	65
5.6.	Dedución por investimento na vivenda habitual.....	65
5.7.	Dedución por obras de mellora na vivenda.....	66
5.8.	Tarifa eléctrica reducida ou bono social.....	67
5.9.	Financiamento ICO para rehabilitación de vivendas.....	68
5.10.	Redución do tipo de gravame aplicable ás obras de renovación e reparación de vivendas para uso particular.....	68
5.11.	Plan integral de impulso ao vehículo eléctrico.....	69
5.12.	Axudas no caso de non aboamento de pensións de alimentos en situacións de separación ou divorcio.....	70

6. SERVIZOS DE APOIO..... 71


6.1.	Portal web das familias galegas.....	72
6.2.	Rede Galega de Escolas Infantís.....	72
6.3.	Programa do cheque infantil.....	74
6.4.	Gabinetes de orientación familiar.....	76
6.5.	GOF virtual.....	78
6.6.	Puntos de Encontro Familiar.....	78
6.7.	Residencias de tempo libre.....	81

7. PLANS E PROGRAMAS..... 83

7.1.	Programas para a educación e o apoio familiar.....	84
7.2.	Programa de estadías de tempo libre para mulleres soas con responsabilidades familiares non compartidas.....	85
7.3.	Programas de apoio a mulleres xestantes e/ou lactantes con fillas/os menores de tres anos.....	86



7.4.	Programa de acollemento familiar	87
7.5.	Programa de adopcións	89
7.6.	Programa de mediación familiar	91
8.	PROGRAMA DE ATENCIÓN A MULLERES VÍTIMAS DA VIOLENCIA DE XÉNERO ____	93
9.	RECURSOS PARA FAMILIAS CON PERSOAS EN SITUACIÓN DE DEPENDENCIA ____	102
10.	OUTROS RECURSOS DE INTERESE PARA AS FAMILIAS _____	107



1. Prestación da Xunta de Galicia



1.1. Prestación económica por fillas e fillos menores de tres anos

Que é?

É unha axuda económica de pagamento único que se pode conceder ás familias cando teñen ao seu cargo fillas e fillos menores de tres anos.

Que requisitos se deben cumprir?

- Ter fillas ou fillos menores de 3 anos.
- Que as nenas e nenos convivan coa persoa solicitante na data da solicitude.
- Residir en Galicia. Os estranxeiros residentes en Galicia, deben cumprir as condicións da Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, reformada pola Lei orgánica 8/2000, do 22 de decembro, e a súa normativa de desenvolvemento e ter a condición de contribuíntes para os efectos do disposto na Lei 35/2006, do 28 de novembro, do imposto da renda das persoas físicas.
- Non ter a obriga de presentar a declaración do imposto sobre a renda das persoas físicas, por razón de ingresos, nin a tivesen presentado de xeito voluntario aínda sen estar obrigados a iso.
- No caso de fillas e fillos adoptadas e adoptados ou acollidas e acollidos, a prestación concederáse durante os tres anos posteriores á data de inscrición da adopción ou do acollemento no rexistro civil ou, cando esta non sexa necesaria, a partir da data da resolución xudicial ou administrativa que a declare.
- Nos supostos de nulidade, separación ou divorcio, a persoa beneficiaria será a que teña a custodia.

Como se pode acceder a ela?

A regulación desta prestación lévase a cabo mediante orde anual que establece as bases e convocatoria para a concesión da prestación familiar por fillas e fillos menores de tres anos,

sendo necesaria a presentación dunha instancia e a documentación que na dita orde se establece, para poder beneficiarse desta.

Cal é a súa contía?

Pagamento único de 360 € por cada filla ou fillo menor que a persoa solicitante teña ao seu cargo, sen que a esta ou o este poida dar lugar a máis dunha prestación.

Atención e asesoramento

Consellería de Traballo e Benestar

Secretaría Xeral de Política Social: 981.547.246

<http://www.familiasgalegas.org>

<http://traballoebeneficio.xunta.es>

1.2. Axudas ás familias numerosas

Que é unha familia numerosa?

É a unidade familiar formada por unha ou dúas persoas ascendentes con tres ou máis fillas ou fillos, sexan ou non comúns.

E aquelas que estean formadas por:

- Unha ou dúas persoas ascendentes con dúas fillas ou fillos, sexan ou non comúns, sempre e cando, como mínimo, unha filla ou fillo teña unha discapacidade ou estea incapacitada para traballar.
- Dúas persoas ascendentes con dúas fillas ou fillos, sexan ou non comúns, cando ambas teñan unha discapacidade ou estivesen incapacitadas para traballar, ou cando unha delas tivese un grao de discapacidade igual ou superior ao 65%.
- A nai ou o pai separadas e separados ou divorciadas e divorciados, con tres ou máis fillas ou fillos, sexan ou non comúns, aínda que estean en distintas unidades familiares ou non vivan no domicilio conxugal, sempre que estean baixo a súa dependencia económica.

- Dous ou máis irmáns orfos de nai e de pai sometidos a tutela, acollemento ou garda, que convivan coa persoa titora, acolledora ou gardadora, pero que non estean ás súas expensas.
- Tres ou máis irmáns orfos de nai e de pai, maiores de 18 anos (ou dous, se un deles é discapacitado), que convivan e teñan unha dependencia económica entre eles.
- Nai ou pai con dúas fillas ou fillos, cando falece a outra persoa proxenitora.

Que requisitos se deben cumprir?

Residir legalmente no territorio español ou se a teñen noutro estado membro da Unión Europea ou que sexa parte do Acordo sobre o Espazo Económico Europeo que, como mínimo unha das persoas ascendentes da unidade familiar, exerza unha actividade por conta allea ou por conta propia en España.

As persoas nacionais doutros países terán dereito ao recoñecemento da condición de familia numerosa sempre que sexan residentes en España todas as persoas membros que dean dereito aos beneficios recollidos na lei, nos termos establecidos na Lei orgánica 4/2000, do 11 de xaneiro, sobre dereitos e liberdades dos estranxeiros en España e a súa integración social, reformada pola Lei orgánica 8/2000, do 22 de decembro, e a súa normativa de desenvolvemento.

As fillas ou fillos e irmás ou irmáns deben reunir as seguintes condicións:

- Seren persoas solteiras e menores de 21 anos ou persoas cunha discapacidade ou incapacitadas para o traballo. Amplíase a idade ata os 25 anos se cursan estudos axeitados á súa idade e titulación ou encamiñados á obtención dun posto de traballo.
- Conviviren coa persoa ascendente ou ascendentes.
- Dependieren economicamente delas. Entenderase que mantén a dependencia económica cando obteña uns ingresos non superiores en cómputo anual ao IPREM vixente ou contribúa ao sostemento da familia, nos supostos establecidos na lei.

Que categorías hai?

- Especial: de cinco ou máis fillas ou fillos e de catro, sempre que tres procedan de parto, adopción ou acollemento permanente ou preadoptivo múltiples. Tamén de catro fillas ou fillos cando os seus ingresos anuais, divididos polo número de membros que as compoñen, non superen en cómputo anual o 75% do IPREM vixente.
- Xeral: as restantes unidades familiares.

Cada filla ou fillo con discapacidade computa como dúas para os efectos de determinar a categoría.

Cales son os beneficios?

- Deducións fiscais.
- Bonificación do 45% nas cotas á Seguridade Social para a contratación de persoas coidadoras ao servizo da familia.
- Incremento do límite de ingresos para ter dereito ás asignacións económicas da Seguridade Social por prestacións familiares.
- Ampliación do período considerado como cotizado e do de reserva do posto de traballo no caso de excedencia por coidado de fillas ou fillos.
- Exencións e bonificacións en taxas e prezos nas matrículas ou expedición de títulos no ámbito educativo.
- Preferencia na adxudicación de prazas nos centros públicos, nas convocatorias de bolsas de axuda ao estudo e de axudas para a adquisición de libros e material didáctico.
- Preferencia na adxudicación de prazas e redución nas tarifas a aboar nas escolas infantís públicas.
- Preferencia na convocatoria de axudas para a atención de nenas/os de 0-3 anos en escolas infantís non sostidas con fondos públicos, a través do cheque infantil.

- Incremento do 20% na categoría xeral e 50% na especial para beneficiarios/as por infortunio familiar cuberto polo seguro escolar.
- Dereito ao subsidio por necesidades educativas especiais asociadas á discapacidade para o transporte e comedor.
- Redución das tarifas de transporte por estrada (interurbano), ferrocarril, marítimo e aéreo (dependendo da categoría).
- Beneficios no acceso á vivenda: o Plan de vivenda 2009-2012 recolle unha serie de particularidades e melloras para as familias numerosas.
- Preferencia nos programas de turismo e termalismo para persoas con discapacidade ou maiores.
- Redución do 20% para a categoría xeral e 50% para a categoría especial da cota de aboamento dos participantes nas viaxes de turismo e quendas de termalismo para persoas con discapacidade subvencionados polo Instituto de Maiores e Servizos Sociais.
- Redución dun 30% sobre o prezo que resulte das estadías nas residencias de tempo libre da Consellería de Traballo e Benestar, sitas en Panxón (Pontevedra) e Carballiño (Ourense).
- Redución do 50% no prezo de entrada ós museos de titularidade estatal.
- Redución do 50% sobre os prezos relativos ás actividades promovidas pola Dirección Xeral de Xuventude e Voluntariado no programa Campaña de verán.
- Dedución do 50% da cota tributaria do canon de saneamento para usos domésticos da auga.
- Bono social ou tarifa eléctrica reducida: bonificación na factura eléctrica para persoas consumidoras domésticas.
- Redución do 50% do imposto de matriculación dos automóviles con capacidade entre 5 e 9 prazas.
- Carné familiar galego.

Onde se solicita?

Este título solicítase na Secretaría Xeral de Política Social ou en calquera das xefaturas territoriais da Consellería de Traballo e Benestar. **É imprescindible ter o título de familia numerosa en vigor para ter dereito ao recoñecemento da condición de familia numerosa e, por tanto, aos ditos beneficios.**

Atención e asesoramento

Consellería de Traballo e Benestar

Secretaría Xeral de Política Social: 981.544.622

Xefaturas territoriais:

A Coruña: 981.185.750

Lugo: 982.294.364

Ourense: 988.386.583

Pontevedra: 986.817.684

<http://www.familiasgalegas.org>

<http://traballoebenefestar.xunta.es>

1.3. Carné familiar galego

Que é?

O carné familiar galego é unha tarxeta persoal e intransferible á disposición das persoas membros das familias numerosas coa que van obter vantaxes ou descontos nos establecementos colaboradores con este programa en Galicia. O carné ten unha vixencia igual que o título de familia numerosa.

Que dereitos teñen as persoas titulares?

- Beneficiarse das vantaxes e beneficios establecidos polas entidades colaboradoras no programa do carné familiar galego.
- Facer reclamacións formais no caso de que algunha entidade colaboradora non levase a cabo as vantaxes ou descontos estipulados.

Que son as entidades colaboradoras?

Son persoas, empresas e entidades adheridas de xeito voluntario que acordan concederlles beneficios, ou calquera outro servizo, ás persoas posuidoras do carné familiar, non acumulables a outras ofertas, rebaixas, promocións, etc., sempre en función do que determine cada establecemento colaborador.

A súa condición de entidade colaboradora farase mediante un adhesivo identificador, que deberá colocar nun lugar visible.

Atención e asesoramento

Consellería de Traballo e Benestar

Secretaría Xeral de Política Social: 981.957.027

<http://www.familiasgalegas.org>

<http://traballoebenefestar.xunta.es>

1.4. Recoñecemento ou asimilación a categoría de descendente da filla ou fillo concibida ou concibido

Que é?

Consiste na asimilación a descendente da filla ou fillo concibida ou concibido, sempre que mediante a aplicación desta asimilación se obteña maior beneficio, de acordo coa Lei 3/2011, do 30 de xuño, de apoio á familia e á convivencia de Galicia.

Quen se pode acoller?

Aquelas familias que con tal motivo adquiran a condición familia numerosa e todas aquelas familias numerosas que por tal motivo cambien de categoría.

Que requisitos se deben cumprir?

- Residir en Galicia.
- Deberán presentar unha solicitude para acollerse ao dito beneficio que virá acompañada dunha certificación médica que acredite o embarazo, así como, toda

a documentación establecida na regulamentación do recoñecemento de familia numerosa.

Que beneficios teñen as persoas beneficiarias?

Como esta asimilación ten valor, unicamente, na Comunidade Autónoma de Galicia, as persoas beneficiarias desta asimilación terán todos os beneficios autonómicos recoñecidos ás familias numerosas, e en especial o carné familiar galego.

Atención e asesoramento

Consellería de Traballo e Benestar

Secretaría Xeral de Política Social: 981.544.622

<http://www.familiasgalegas.org>

<http://traballoebenestar.xunta.es>

1.5. Axudas a traballadores con redución de xornada laboral

Que é?

A axuda consiste nun pagamento único que será concedida a aqueles traballadores que se acollan a unha redución da súa xornada de traballo, cunha duración mínima de 60 días naturais ininterrompidos e comprendidos entre o 1 de maio e o 31 de decembro de 2011, para coidar dunha filla ou fillo.

Quen se pode acoller?

As persoas beneficiarias destas axudas serán os homes que se acollan á redución de xornada e que sexan traballadores por conta allea, tanto da empresa privada como das administracións públicas, organismos autónomos, entes públicos de dereito privado e empresas públicas dependentes destas (con independencia de que o seu vínculo sexa laboral, funcionarial ou estatutario) e socios das sociedades cooperativas que pertencen ao réxime xeral da Seguridade Social.

Do mesmo xeito, poderán selo tamén as familias monoparentais nas que a persoa solicitante, muller ou home, traballe por conta allea e se acolla á redución de xornada.

En ningún caso poderán beneficiarse os proxenitores privados da patria potestade das súas fillas ou fillos, ou se a tutela ou garda fose asumida por unha institución pública.

Que requisitos se deben cumprir?

Para poder recibir estas axudas as persoas interesadas deberán cumprir os seguintes requisitos:

- Estar inscritos no padrón de calquera dos municipios integrados no territorio da Comunidade Autónoma galega, polo menos cun ano de antelación á presentación da solicitude de subvención.
- No caso das familias non monoparentais, o outro membro da unidade familiar deberá ser traballadora ou traballador por conta allea ou ben autónomo.
- Que na data da solicitude a filla ou fillo conviva coa persoa solicitante.
- Que o período solicitado non coincida co permiso por maternidade nin calquera outro permiso, licenza ou excedencia para a mesma finalidade.

Cal é a súa contía?

A contía desta axuda concederase a través dun pagamento único e estará en función da porcentaxe de redución de xornada laboral que se solicite e da duración desta, que será como máximo de 8 meses. As contías para o 2012 son as seguintes:

Grao de redución de xornada laboral	Contía máxima por primeira/o filla/o	Contía máxima por segunda/o filla/o ou se son xemelgas/os	Contía máxima por terceira/o filla/o ou se son trixemelgas/os
Ata o 15%	1.600 €	1.900 €	2.200 €
Superior do 15% ata o 33,33%	2.700 €	3.000 €	3.300 €
Superior ao 33,33%	3.000 €	3.300 €	3.600 €


Estas contías son as máximas aplicables aos casos nos que a redución de xornada corresponda a unha persoa contratada a xornada completa e se estenda aos 8 meses (máximo período subvencionable). Cando a persoa que solicita a redución se atope contratada por unha xornada laboral de duración inferior, as contías das axudas diminuirán proporcionalmente.

Atención e asesoramento

Presidencia da Xunta de Galicia

Secretaría Xeral da Igualdade: 881.999.163

<http://www.mulleresengalicia.es>



2. Prestacións económicas da Seguridade Social

2.1. Prestación económica por parto ou adopción múltiple

Que é?

Trátase dunha axuda económica, de pagamento único, cando o número de fillas ou fillos que nacen nun parto ou que se adoptan simultaneamente é de dous ou máis.

Que requisitos se deben cumprir?

As persoas beneficiarias deben estar acollidas, tanto ao nivel contributivo como ao nivel non contributivo, ao sistema da Seguridade Social e residir legalmente en territorio español. Para os efectos civís, “só se reputará nacido o feto que tivera figura humana e vivira 24 horas enteiramente desprendido do seo materno”, art. 30 do Código Civil.

Cal é a súa contía?

O importe da axuda económica variará segundo o número de fillas ou fillos nados no parto ou adoptados. Para o ano 2012 son:

Dúas fillas ou dos fillos	4 x SMI*	2.565,60 €
Tres fillas/os	8 x SMI	5.131,20 €
A partir da cuarta filla ou fillo	12 x SMI	7.696,80 €

* O salario mínimo interprofesional para o ano 2012 será de 641,40 €

É compatible con outras axudas?

Esta prestación é compatible con:

- subsidio especial de maternidade por parto múltiple, (ver permiso de maternidade)
- as asignacións económicas por filla ou fillo menor a cargo e,
- a pensión de orfandade e en favor de netos e irmáns que, se é o caso, lle puidesen corresponder.

Atención e asesoramento

Instituto Nacional de la Seguridad Social.

Tel.: 900.166.565

<http://www.seg-social.es>

2.2. Prestación económica por filla, fillo ou por acollemento dunha ou dun menor a cargo.

Que é?

É unha asignación de cartos, co obxectivo de cubrir unha situación de necesidade, que se conceden a unha unidade familiar, que reside legalmente no territorio español, cando teñen fillas, fillos, acollidas e/ou acollidos menores de 18 anos ao seu cargo ou maiores de 18 anos cunha discapacidade nun grado igual ou superior ao 65%.

A. No caso de fillas, fillos e/ou menor acollida ou acollido menores de 18 anos

Que requisitos se deben cumprir?

Os ingresos da unidade familiar non superen a cantidade de 11.376,66 euros. O límite de ingresos irá elevándose nun 15% por cada filla, fillo, menor acollida ou acollido a partir da segunda ou do segundo.

No caso de familias numerosas os seus ingresos anuais non serán superiores a 17.122,59 euros, incrementándose en 2.773,39 euros por cada filla ou fillo a cargo a partir da ou do cuarto.

Para os efectos do cómputo para ser beneficiario desta prestación, as fillas ou fillos afectadas ou afectados por unha discapacidade igual ou superior ao 33% computarán dobre.

Como se calcula o límite de ingresos?

Se viven xuntos, téñense en conta os ingresos que tiveron os dous no ano anterior, aínda que só unha das persoas cumpra os requisitos necesarios para pedir a axuda e ser persoa beneficiaria.

Se viven separados, téñense en conta os ingresos percibidos durante o ano anterior pola persoa proxenitora, adoptante ou acollidora que teña a filla ou o fillo a cargo.

Cal é a súa contía?

A asignación será de 291 € ao ano para fillas/os ou acollidas/os ata os 18 anos non discapacitados.

Alguén máis pode ter dereito a esta asignación?

- Si, son persoas beneficiarias desta axuda as ou os menores orfos de nai e pai, que teñan uns ingresos, incluída a pensión de orfandade, inferiores a 16.555,70 €, máis un 15% por cada menor orfa ou orfo de nai e pai a partir da ou do segundo.
- As e os menores abandonadas ou abandonados (que non estean en acollemento familiar) que teñan uns ingresos inferiores a 16.555,70 €.

Que obrigas ten a persoa beneficiaria?

- Presentar antes do 1 de abril de cada ano unha declaración sobre os ingresos que tivo no ano anterior.
- Comunicar nun prazo máximo de 30 días aqueles cambios que afectan ao dereito de percibir a axuda.

B. No caso de fillas ou fillos discapacitadas e discapacitados.

Que requisitos se deben cumprir?

Ter o recoñecemento legal da ou das discapacidades. En Galicia, correspóndelle aos Equipos de Valoración e Orientación dependentes da Consellería de Traballo e Benestar (<http://www.traballoebenefestar.xunta.es>).

No caso de menores de 18 non hai ningún outro requisito e para maiores de 18 anos teñen que ter recoñecido o 65% ou máis para ter dereito a esta prestación.

Cal é a súa contía?

- Se é menor de 18 anos e con discapacidade en grao igual ou superior ao 33%: 1.000 euros/ano (500 euros semestrais).
- Se é maior de 18 anos e ten discapacidade en grao igual ou superior ao 65%: 4.292,40 euros/ano (357,70 euros mensuais).
- Se é maior de 18 anos e ten unha discapacidade en grao igual ou superior ao 75% e necesita da axuda dunha persoa para realizar os actos máis esenciais da vida: 6.439,20 euros/ano (536,60 euros mensuais).

É incompatible con outras axudas?

- Coa pensión de xubilación ou invalidez na modalidade non contributiva.
- Coas pensións asistenciais.
- Cos subsidios de garantía de ingresos mínimos ou por axuda de terceira persoa, establecidos na Lei de integración social de minusválidos (LISMI).
- Con prestacións análogas establecidas nos restantes sistemas públicos de protección social.

No caso de que se teña dereito ás dúas tense que elixir entre unha e outra.

Que obrigas ten a persoa beneficiaria?

Notificar todos os cambios que se produzan, tanto na situación que afecta ao seu dereito como o cambio de residencia ou variacións na situación familiar, no prazo de 30 días ao Instituto Nacional de Seguridade Social (INSS).

Atención e asesoramento

Instituto Nacional de la Seguridad Social

Telf: 900.166.565

<http://www.seg-social.es>

2.3. Prestación económica por nacemento ou adopción de fillas ou fillos, en supostos de familias numerosas, monoparentais e nos casos de nais con discapacidade igual ou superior ao 65%

Que é?

É unha axuda de pagamento único por nacemento ou adopción de fillas ou fillos, a partir do 16/11/2007, que pode ascender a 1.000 €, nos seguintes supostos:

- familias numerosas ou que, con tal motivo adquiren a dita condición,
- familias monoparentais,
- nais que padezan unha discapacidade igual ou superior ao 65%,

Que requisitos se deben cumprir?

En todos estes casos é necesario:

- Residir legalmente no territorio español
- Non ter percibido durante o exercicio orzamentario anterior ingresos anuais superiores á contía establecida para ser beneficiario/a das asignacións económicas por fillo/a a cargo non discapacitado/a.
- Non ter dereito, nin o pai nin a nai, a prestacións desta mesma natureza en calquera outro réxime público de protección social.

Para os efectos do cómputo para ser beneficiario desta prestación, as fillas ou fillos afectadas ou afectados por unha discapacidade igual ou superior ao 33% computarán dobre.

É compatible con outras axudas?

Esta prestación é compatible con:


- A prestación por parto ou adopción múltiple.
- As asignacións económicas por filla ou fillo menor acollido a cargo.
- O subsidio especial de maternidade por parto múltiple.
- E calquera outra axuda análoga concedidas por unha administración local ou autonómica.

Atención e asesoramento

Instituto Nacional de la Seguridad Social

Telf: 900.166.565

<http://www.seg-social.es>



3. Permisos e excedencias



3.1. *Permiso de maternidade*

Que é?

É un período de descanso que ten toda persoa traballadora nos casos de parto, adopción ou acollemento, sen perder os seus dereitos salariais nin laborais.

Este permiso pode levar consigo unha prestación económica que recibe da Seguridade Social, chamada subsidio por maternidade, cuxo fin é cubrir a perda de rendas do traballo ou de ingresos que sofren as persoas traballadoras, por conta allea ou por conta propia, cando se suspende o seu contrato ou se interrompe a súa actividade para gozar dos períodos de descanso por maternidade, adopción e acollemento, legalmente establecidos.

A prestación ascende ao 100% da base reguladora pola que cotizou á Seguridade Social no mes anterior a aquel no que se iniciou o descanso.

Que situacións dan dereito ao permiso?

- O nacemento da filla ou fillo.
- A adopción e o acollemento, tanto o preadoptivo como o permanente de:
 - ✓ menores de 6 anos.
 - ✓ maiores de 6 anos e menores de 18 con discapacidade ou que, polas súas circunstancias e experiencias persoais ou por provir do estranxeiro, teñan especiais dificultades de inserción social e familiar, debidamente acreditadas polos servizos sociais competentes.

Que requisitos se deben cumprir?

- Ser traballadora ou traballador por conta allea ou ben, se é unha persoa autónoma ou empregada/o do fogar, atoparse ao día no pagamento das correspondentes cotas á Seguridade Social.
- Estar afiliada ou afiliado á Seguridade Social e en alta ou situación asimilada, nalgún dos réximes do sistema.

- Acreditar os seguintes períodos mínimos de cotización:
 - ✓ Cando a persoa beneficiaria teña menos de 21 anos de idade na data do parto, adopción ou acollemento, non se esixirá período mínimo de cotización.
 - ✓ Se ten entre 21 e 26 anos de idade, o período mínimo de cotización esixido será de 90 días cotizados dentro dos 7 anos inmediatamente anteriores ou ben 180 días cotizados ao longo de toda a súa vida laboral.
 - ✓ As persoas maiores de 26 anos de idade, deben acreditar un período mínimo de cotización de 180 días dos 7 últimos anos ou ben 360 días cotizados ao longo da súa vida laboral.

Como se dispón do permiso?

- Son 16 semanas ininterrompidas de duración. Ampliables en 2 semanas máis no suposto de discapacidade da ou do menor e no caso de parto, adopción ou acollemento múltiple, por cada menor, a partir da ou do segundo.
- No caso de que ambos proxenitores traballen, a nai, ao inicio do permiso, decide e opta por conceder parte deste ao outro proxenitor, que poderá gozarse de forma simultánea ou sucesiva co da nai.
- No caso de parto biolóxico, as primeiras 6 semanas, gozará sempre a nai.
- Nos casos de adopción ou acollemento (permanente ou preadoptivo), poderá ser gozado indistintamente, de forma ininterrompida, na súa totalidade por calquera das dúas persoas proxenitoras.
- No caso de falecemento da persoa beneficiaria do permiso, a outra persoa proxenitora poderá facer uso da totalidade ou, se é o caso, da parte que reste do permiso.
- Nos casos de partos prematuros e naqueles nos que a ou o recém nada ou nado deba permanecer hospitalizada ou hospitalizado a continuación do parto, o período de descanso poderá computarse, a instancia da nai ou, no seu defecto, doutro proxenitor, a partir da data da alta hospitalaria. No caso de maternidade biolóxica, manterase o período de descanso obrigatorio de 6 semanas despois do parto. Se a hospitalización ten unha

duración superior a 7 días, ampliarase a duración do permiso en tantos días como a ou o recén nada ou nado permaneza hospitalizada/o a continuación do parto, cun máximo de 13 semanas adicionais. E no caso de persoas incluídas no EBEP, ampliarase a duración do permiso en tantos días como a ou o recén nada ou nado atópease hospitalizada/o, cun máximo de 13 semanas adicionais, con independencia da duración mínima do período de hospitalización e da súa causa.

Nos casos de adopción, cando empeza a percibirse a prestación?

- Nos casos de adopción nacional e acollemento, comeza a partir do día da resolución ou decisión pola que se acorda a adopción ou o acollemento.
- Nos casos de adopción internacional, cando sexa necesario o desprazamento previo das persoas adoptantes ao país de orixe da nena ou do neno adoptada ou adoptado, a prestación pódese empezar a recibir ata 4 semanas antes de que se dite a resolución pola que se constitúa a adopción.
- Nos dous casos, para poder recibir a prestación é imprescindible que se goce o correspondente permiso ou descanso.

Existe algunha axuda económica especial para o caso de parto, adopción ou acollemento múltiple no permiso de maternidade?

Si, durante as 6 primeiras semanas tense dereito, ademais de recibir a prestación de maternidade, a unha prestación especial por cada filla ou fillo a partir da ou do segundo igual ao que corresponde recibir pola ou polo primeiro.

Que pasa cando unha traballadora ou traballador está en paro?

Recibirá a prestación de maternidade pola cantidade que lle corresponda e unha vez extinguida esta, continuará coa prestación por desemprego polo tempo que lle restaría por gozar.

Hai algunha prestación para as nais traballadoras que non acrediten o período mínimo de cotización?

Si, se reúnen todos os requisitos establecidos para acceder á prestación por maternidade salvo o período mínimo de cotización, terán dereito a unha prestación económica por importe do 100% do IPREM vixente en cada momento cunha duración de 42 días naturais a contar desde o parto. A dita prestación incrementárase en 14 días naturais nos casos de nacemento de filla ou fillo:

- Nunha familia numerosa.
- Nunha familia monoparental.
- Parto múltiple.
- Cando a nai, a filla ou o fillo estean afectados de discapacidade nun grao igual ou superior ao 65 por cento.

Que organismo é responsable da xestión da prestación?

O Instituto Nacional de la Seguridad Social (INSS) é o organismo encargado de xestionar a prestación, agás nos casos de persoas traballadoras incluídas no campo de aplicación do réxime especial do mar que corresponde ao Instituto Social da Mariña (ISM).

Cal é o procedemento que deberá seguir a persoa traballadora?

Levar o parte de maternidade ao INSS que lle facilitarán os servizos médicos do SERGAS ou das Mutuas xunto coa demais documentación necesaria.

Nos casos de adopción ou acollemento, deberá aportar xunto coa solicitude a documentación que lle indiquen na oficina do INSS.

Atención e asesoramento

Instituto Nacional de la Seguridad Social

Tel.: 900.166.565

<http://www.seg-social.es>

3.2. *Permiso de paternidade*

Que é?

É un período de descanso que teñen os traballadores, nos casos de nacemento, adopción ou acollemento, sen perder os seus dereitos salariais nin laborais e con independencia do goce compartido dos períodos dos descansos por maternidade.

Este permiso pode levar consigo unha prestación económica da Seguridade Social para o traballador durante os días de suspensión do contrato de traballo, ou cese na actividade, no caso de nacemento dunha filla, un fillo, adopción ou acollemento, chamado subsidio por paternidade. A prestación ascende ao 100% da base reguladora pola que cotizou á Seguridade Social no mes anterior a aquel no que se iniciou o descanso.

Que situacións dan dereito ao permiso?

As mesmas que para o permiso de maternidade.

Que requisitos se deben cumprir?

- Estar afiliado á Seguridade Social e en alta ou situación asimilada.
- Acreditar un período mínimo de cotización: 180 días dentro dos 7 últimos anos ou ben 360 días cotizados ao longo da vida laboral.

Cal é o período máximo de duración?

– Os días que se dispoñen para este permiso son 13 días ininterrompidos, ampliables no suposto de parto, adopción ou acollemento múltiples en 2 días máis por cada filla ou fillo a partir da ou do segundo.

Como se dispón do permiso?

- Exercerase durante o período comprendido desde a finalización do permiso por nacemento da filla ou fillo (2 días como regra xeral ou o que estableza o correspondente convenio colectivo) ou desde que se produza a resolución de adopción ou acollemento ata que finalice o permiso por maternidade.
- No suposto de parto, o permiso corresponde ao outro proxenitor.

- Nos supostos de adopción ou acollemento, será á elección das persoas interesadas, non obstante, cando o descanso por maternidade sexa gozado na súa totalidade por un dos proxenitores, o dereito ao permiso por paternidade unicamente poderá ser exercido polo outro.

Como se xestiona a prestación?

O Instituto Nacional de la Seguridad Social (INSS) é o organismo encargado de xestionar a prestación, agás nos casos de persoas traballadoras incluídas no campo de aplicación do réxime especial do mar que corresponde ao Instituto Social da Mariña (ISM).

Atención e asesoramento

Instituto Nacional de la Seguridad Social

Tel.: 900.166.565

<http://www.seg-social.es>

3.3. *Risco durante o embarazo e lactación natural*

Que é?

É a situación que se produce cando a traballadora está exposta no desenvolvemento do seu traballo a axentes, procedementos ou condicións de traballo que poidan influír negativamente na saúde dela mesma, do feto ou para a ou o lactante, e así o certifiquen os servizos médicos do SERGAS ou das Mutuas.

Que dereitos ten a traballadora nestes casos?

- A empresa debe adaptar as condicións ou o tempo de traballo da traballadora afectada ou pasar a desempeñar un posto de traballo diferente compatible co seu estado.
- Se iso non é posible, procederase á suspensión do contrato de traballo. A suspensión finalizará, no caso de risco durante o embarazo, cando se inicie a baixa por maternidade ou se produza a reincorporación da muller ao seu posto de traballo anterior ou a outro compatible co seu estado. En caso de risco durante a lactación natural, a suspensión finaliza no momento no que a filla ou fillo cumpra 9 meses salvo que a traballadora se

reincorporara, con anterioridade, ao seu posto de traballo anterior ou a outro compatible coa súa situación.

Como se protexe ás traballadoras durante a suspensión do contrato nestas circunstancias?

Terán dereito a unha prestación económica que consiste nun subsidio do 100% da súa base reguladora durante todo o tempo que dure a suspensión.

Atención e asesoramento

Empresa, comité de empresa, sindicatos, así como, o Instituto Nacional de la Seguridad Social ou a Mutua de AT e EP coa que teña concertada a empresa a cobertura das continxencias profesionais.

3.4. Redución da xornada laboral por lactación

En que caso se pide a redución da xornada por lactación?

Nos supostos de lactación da filla, fillo ou menor acollida ou acollido ata que cumpra nove meses.

Canto tempo pode estar o traballadora fóra do seu posto de traballo?

- A traballadora pode estar fóra do posto de traballo unha hora, que pode repartirse en dúas fraccións. A duración deste permiso incrementarase proporcionalmente nos casos de parto, adopción ou acollemento múltiple.
- A persoa que exerza este dereito, pola súa vontade, pode:
 - Substituír este dereito por unha redución da súa xornada en media hora coa mesma finalidade.
 - Acumulalo en xornadas completas, nos termos previstos na negociación colectiva ou no acordo ao que chegue coa empresaria ou co empresario respectando, no seu caso, o establecido naquela.

Quen pode gozar deste permiso?

Este permiso constitúe un dereito individual das persoas traballadoras, pero só poderá ser exercido por unha das persoas proxenitoras no caso de que ambas traballen.

Quen decide en que momento da xornada vaise reducir o horario?

A persoa traballadora beneficiaria ten dereito a decidir o horario e a duración do permiso. Deberá avisar á empresa cunha antelación de 15 días, precisando a data de inicio e finalización do permiso.

Segue recibindo todo o seu salario?

Si, durante o tempo que dure o permiso por lactación segue recibindo todo o seu salario.

Atención e asesoramento

Empresa, comité de empresa, sindicatos.

3.5. Redución da xornada laboral por coidado de menores e outras persoas da familia.

En que casos pode pedirse a redución de xornada laboral por coidado de menores e outras persoa familiares?

A persoa traballadora pode pedir esta redución de xornada, cando:

- teña a garda legal e o coidado directo dunha ou dun menor de oito anos,
- teña a garda legal e o coidado directo dunha persoa con discapacidade física, psíquica ou sensorial, que non realiza unha actividade retribuída,
- teña o coidado directo dunha persoa familiar ata o segundo grao de parentesco (avoa ou avós de ambos dous cónxuxes, netas e netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros), e que pola súa idade ou por ter un accidente ou padecer unha enfermidade, non poida valerse por si mesmo e non traballe.

Canto tempo pode a persoa traballadora reducir a súa xornada de traballo?

Como mínimo unha oitava parte da xornada e como máximo a metade.

Quen pode gozar deste permiso?

Calquera traballadora ou traballador que teña ao seu cargo a unha ou un menor, unha persoa con discapacidade ou un familiar nas circunstancias descritas.

Quen decide en que momento da xornada vaise reducir o horario?

A persoa traballadora, muller ou home, ten dereito a decidir o horario e a duración do permiso. Os convenios colectivos poderán establecer criterios para a concreción horaria desta redución de xornada, en atención aos dereitos de conciliación da vida persoal, familiar e laboral da persoa traballadora e as necesidades produtivas e organizativas das empresas.

Deberá avisar á empresa cunha antelación de 15 días, precisando a data de inicio e finalización do permiso.

Segue recibindo todo o seu salario?

Non, redúceselle en proporción á parte da xornada que deixa de traballar. As cotizacións realizadas durante os dous primeiros anos de redución de xornada computaranse incrementadas ata o 100% do que houbese cotizado a xornada completa de cara a futuras prestacións de Seguridade Social, xubilación, incapacidade permanente, morte e supervivencia, maternidade e paternidade.

Atención e asesoramento

Empresa, comité de empresa, sindicatos.

3.6. Redución de xornada por coidado de menores afectadas/os por cancro ou outra enfermidade grave.

Que é?

É un dereito polo cal as persoas traballadoras proxenitoras, adoptantes ou acolleadoras poden reducir a súa xornada de traballo, coa diminución proporcional do salario, para o coidado, durante o tempo da súa hospitalización e tratamento continuado, das fillas, fillos ou menores de idade ao seu cargo afectadas ou afectados por cancro ou por calquera

enfermidade grave, que implique un ingreso hospitalario de larga duración e requira a necesidade do seu coidado de maneira directa, continua e permanente, ata que cumpra 18 anos.

Esta redución de xornada pode levar consigo unha prestación económica da Seguridade Social para compensar a perda de ingresos que sofren as persoas proxenitoras, adoptantes ou acolledoras que reducen a xornada de traballo, coa conseguinte diminución do seu salario.

Cal é a súa contía?

A prestación consiste nun subsidio equivalente ao 100% da base reguladora que estea establecida para a prestación de incapacidade temporal derivada de continxencias profesionais, e en proporción á redución que experimente a xornada de traballo.

Que requisitos se deben cumprir?

- Ser traballadora ou traballador por conta allea ou por conta propia.
- Estar afiliada ou afiliado á Seguridade Social e en alta nalgún dos réximes do sistema.
- Acreditar o período de cotización esixido para a prestación da maternidade.
- Atoparse ao corrente no pago das cotas, das que sexan responsables directos as persoas traballadoras.
- Reduzan a xornada de traballo nun 50% da súa duración, como mínimo, para dedicarse ao coidado directo, continuo e permanente da ou do menor.
- A ou o menor, causante da situación, estea afectado por cancro ou outra enfermidade grave (incluídas no listado do anexo do RD 1148/2011, do 29 de xullo)
- Non ser funcionarios públicos rexidos polo establecido no art.41.e) da Lei 7/2007, do 12 de abril, do Estatuto Básico do Empregado Público.

Quen decide en que momento da xornada se vai reducir o horario?

A persoa traballadora, muller ou home, ten dereito a decidir o horario e a duración do permiso. Por convenio colectivo, poderanse establecer as condicións e supostos nos que esta redución de xornada se pode acumular en xornadas completas, así como, establecer criterios para a concreción horaria desta redución de xornada, en atención aos dereitos de conciliación da vida persoal, familiar e laboral da persoa traballadora e as necesidades produtivas e organizativas das empresas.

Se dúas ou mais persoas traballadoras da mesma empresa xerasen este dereito pola mesma persoa causante, a empresa poderá limitar o seu exercicio simultáneo por razóns xustificadas de funcionamento da empresa.

A persoa traballadora, agás forza maior, deberá avisar a empresa cunha antelación de 15 días, precisando a data de inicio e finalización do permiso.

Atención e asesoramento

Empresa, comité de empresa, sindicatos.

Instituto Nacional de la Seguridad Social

Telf: 900.166.565

<http://www.seg-social.es>

3.7. Outros permisos

A persoa traballadora pode pedir outros permisos ou reducións da xornada e recibir o mesmo salario?

A persoa traballadora, logo de aviso e xustificación, poderá ausentarse do traballo, con dereito a remuneración, por algún dos motivos e polo tempo que a continuación se relacionan:

- Teñen un permiso de 15 días naturais cando casan.
- Teñen 2 días de permiso polo nacemento dunha filla ou fillo e polo falecemento, accidente ou enfermidade graves, hospitalización ou intervención cirúrxica sen

hospitalización que precise repouso domiciliario dunha persoa familiar ata o segundo grao (avoas ou avós, netas ou netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros). cando con tal motivo necesite facer un desprazamento, o prazo será de 4 días.

- Teñen 1 día por traslado do domicilio habitual.
- A persoa traballadora poderá saír do seu traballo o tempo que necesite para a realización dos exames prenatais e das técnicas de preparación ao parto.
- A nai ou o pai terán dereito a ausentarse do traballo durante unha hora, nos casos de nacementos de fillas e fillos prematuras ou prematuros ou que, por calquera causa, deban permanecer hospitalizadas ou hospitalizados tras o parto. Así mesmo, terán dereito a reducir a súa xornada ata un máximo de dúas horas, coa diminución proporcional do salario.

A persoa traballadora terá dereito a adaptar a *duración e distribución da xornada de traballo para facer efectivo o seu dereito á conciliación da vida persoal, familiar e laboral* nos termos que se establece na negociación colectiva ou no acordo a que chegue coa empresa respectando, no seu caso, o previsto naquela. A tal fin, promoverase o emprego da xornada continuada, o horario flexible ou outros modos de organización do tempo de traballo e dos descansos que permitan a maior compatibilidade entre o dereito á conciliación da vida persoal, familiar e laboral das persoas traballadoras e a mellora da produtividade nas empresas.

O réxime e duración dos permisos do empregado público será o establecido na lexislación que lles é de aplicación.

Atención e asesoramento

Empresa, comité de empresa, sindicatos.

3.8. A excedencia

Que é unha excedencia?

É a situación na que a persoa traballadora por conta allea solicita á empresa a suspensión do contrato durante un período de tempo determinado, pero conservando o dereito preferente para reingresar na dita empresa.

Que situacións dan lugar a unha excedencia?

- coidado de fillas e fillos menores de tres anos.
- coidado de familiares ata 2º grao.

A. Que é a excedencia por coidado dunha filla ou fillo menor de tres anos?

É o permiso de traballo ao que ten dereito a persoa traballadora por un período máximo de 3 anos para coidar á filla ou fillo, sexa biolóxica ou biolóxico ou por adopción ou por acollemento (permanente ou preadoptivo).

Desde que momento pode pedir esta excedencia?

Desde o nacemento da filla ou fillo ou desde que se fai firme a resolución ou decisión da adopción ou do acollemento.

Como afecta esta excedencia á traballadora ou traballador nos seus dereitos como tal?

- Non ten dereito a recibir salario algún por parte da empresa.
- Resérvase o seu posto de traballo durante o primeiro ano de excedencia, no caso de familia numerosa, a reserva do seu posto manterase durante 15 ou 18 meses, segundo sexa de categoría xeral ou especial. Transcorrido o dito prazo e resérvase un posto de traballo dentro do mesmo grupo profesional ou categoría equivalente.
- O tempo de excedencia computa á hora de contar a antigüidade da persoa traballadora na empresa.
- Ten dereito a asistir a cursos de formación profesional aos que deberá chamalo a súa empresa, especialmente cando vaia a incorporarse ao traballo.
- Esta excedencia pode gozarse de forma fraccionada.

Ten dereito a algunha prestación?

Si, ten dereito a unha prestación non económica da Seguridade Social por filla ou fillo a cargo, consistente no dereito a que se consideren os dous primeiros anos da súa excedencia (e nos casos de familia numerosa, segundo a categoría xeral ou especial, 30 ou 36 meses respectivamente) como tempo cotizado á Seguridade Social, cando teña que acceder a algunha prestación por xubilación, incapacidade permanente, morte e supervivencia, maternidade e paternidade da Seguridade Social.

B. Cando se pode pedir a excedencia por coidado de persoas familiares?

Cando teña ao seu coidado directo a unha persoa familiar ata o segundo grao (avoas ou avós, netas ou netos, nai, pai, irmás ou irmáns, cónxuxe, fillas ou fillos, cuñadas ou cuñados, sogras ou sogros), que pola súa idade, ou por ter un accidente ou padecer unha enfermidade ou discapacidade non poida valerse por si mesma e non desempeñe actividade retribuída.

De canto tempo pode ser esta excedencia?

Pode durar un tempo máximo de 2 anos, salvo que por negociación colectiva se amplíe.

Como afecta esta excedencia a persoa traballadora nos seus dereitos como tal?

- Non ten dereito a recibir salario ningún por parte da súa empresa.
- Resérvaselle o seu posto de traballo durante o primeiro ano de excedencia, e despois resérvaselle un posto de traballo dentro do mesmo grupo profesional ou categoría equivalente.
- Tense en conta o tempo de excedencia á hora de contar a antigüidade da persoa traballadora na empresa.
- Ten dereito a asistir a cursos de formación profesional aos que deberá chamalo a súa empresa, especialmente cando vaia volver a incorporarse ao traballo.
- Esta excedencia pode gozarse de forma fraccionada.

Ten dereito a algunha prestación?

Si, ten dereito a unha prestación non económica da Seguridade Social pola cal o primeiro ano de excedencia conta como tempo cotizado á Seguridade Social, cando teña que acceder a algunha prestación por xubilación, incapacidade permanente, morte e supervivencia, maternidade e paternidade da Seguridade Social.

Atención e asesoramento

Empresa, comité de empresa, sindicatos.

4. Beneficios fiscais de ámbito galego

As medidas fiscais de apoio ás familias establécense a nivel do Estado e das CC.AA. O Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado, recolle todas as medidas fiscais, deducións e/ou bonificacións nas cotas ou gravames aplicables aos diferentes impostos, tanto na cota íntegra autonómica do Imposto sobre a renda das persoas físicas como no imposto sobre sucesións e doazóns e no imposto sobre transmisións patrimoniais e actos xurídicos documentados, para as familias que deban tributar en Galicia.

A. IMPOSTO SOBRE A RENDA DAS PERSOAS FÍSICAS

<http://www.conselleriadefacenda.es/web/portal/guia-imposto-renda>

4.1. *Dedución fiscal por nacemento ou adopción de fillas ou fillos*

Que é?

Dedución sobre a parte autonómica da cota íntegra, que calquera persoa residente na Comunidade Autónoma de Galicia pode practicar por cada filla ou fillo nada ou nado ou adoptada ou adoptado no período impositivo e que conviva co contribuínte na data de devengo do imposto.

Cal é o importe a deducir?

Pódese deducir da parte autonómica da cota íntegra do imposto:

Parto/adopción normal	300 € sen límite de ingresos
Parto/adopción múltiple	360 € sen límite de ingresos

Cantos períodos impositivos pode realizarse esta dedución?

Esténdese aos dous períodos impositivos seguintes ao de nacemento ou adopción, sempre que a filla ou fillo conviva co contribuínte na data de devengo do imposto, segundo ás seguintes contías e límites da renda:

Base minorada entre 22.001 € e 31.000 €	300 €
Base minorada menor ou igual a 22.000 €	360 €

Cando as fillas ou fillos que dean dereito á dedución convivan con ambos os dous proxenitores ou adoptantes, a dedución practicarase por partes iguais na declaración de cada un deles.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.2. Dedución por familia numerosa

Que é?

É unha dedución á que se poden acoller as persoas contribuíntes que teñan o título de familias numerosa en vigor na data de devengo do imposto.

Cal é o importe a deducir?

Para as de categoría xeral	250 €
Para as de categoría especial	400 €

Cando algunha ou algún dos cónxuxes ou descendentes ás/aos que lles sexa aplicable o mínimo persoal e familiar do imposto teña un grao de discapacidade igual ou superior ao 65%, a dedución anterior será de 500 e 800 euros respectivamente.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.3. Dedución por acollemento

Que é?

É unha dedución á que se poden acoller as persoas contribuíntes que teñan formalizado un acollemento familiar simple, permanente, provisional ou preadoptivo dunha ou dun menor, sen relación de parentesco, durante o período impositivo.

Non dará lugar a esta dedución o suposto de acollemento preadoptivo cando se producise a adopción da ou do menor durante o período impositivo.

Cal é o importe a deducir?

Convivencia superior a 183 días	300€ por cada menor acollida/o
Convivencia inferior a 183 días e superior a 90 días	150 € por cada menor acollida/o

Cando sexan dúas persoas contribuíntes (matrimonio ou parellas de feito inscritas no Rexistro de Parellas de Feito de Galicia) beneficiarias desta dedución e opten por declaración individual, o importe da dedución ratearase por partes iguais na declaración de cada un de elas.

Atención e asesoramento

Axencia Estatal de Administración Tributaria

Telf: 901.200.345 / 901.335.533

<http://www.aeat.es>

<http://www.agenciatributaria.es>

4.4. Dedución por coidado de fillas ou fillos de tres ou menos anos de idade

Que é?

É nunha dedución que poden practicar as persoas contribuíntes, que por motivos de traballo por conta propia ou allea, teñan que deixar as súas fillas ou os seus fillos menores ao coidado dunha persoa que teña a condición de empregada do fogar ou en escolas infantís 0-3 anos.

Cal é o importe a deducir?

Poderanse deducir o 30% das cantidades satisfeitas no período, co límite máximo de 200 euros. Cando mais dunha persoa contribuínte teña dereito á aplicación desta dedución, o seu importe ratearase entre elas.

Que requisitos se deben cumprir?

- Que as fillas ou fillos convivan coa persoa contribuínte e teñan tres ou menos anos de idade no momento do devengo do imposto.
- Que ambos proxenitores realicen unha actividade por conta propia ou allea e estean dados de alta no correspondente réxime da Seguridade Social ou Mutualidade.
- Que no suposto de que a dedución sexa aplicable por gastos dunha persoa empregada do fogar, esta estea dada de alta no réxime correspondente da Seguridade Social.
- Que a base impoñible total menos os mínimos persoal e familiar non exceda de 22.000 euros en tributación individual e 31.000 euros en tributación conxunta.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.5. Dedución por suxeitos pasivos con discapacidade, de idade igual ou superior a 65 anos, que precisen a axuda de terceiras persoas

Que é?

Unha dedución para as persoas contribuíntes de idade igual ou superior a 65 anos afectadas por un grao de discapacidade igual ou superior ao 65% e que acrediten a necesidade de axuda de terceiras persoas.

Cal é o importe a deducir?

Poderán deducir o 10% das cantidades satisfeitas a terceiras persoas encargadas da súa atención, cun límite máximo de 600 euros.

Que requisitos se deben cumprir?

- Que a base impoñible total menos os mínimos persoal e familiar, non exceda de 22.000 euros en tributación individual e de 31.000 euros en declaración conxunta.
- que se acredite a necesidade da axuda de terceiras persoas.
- Que a persoa contribuínte non faga uso das residencias públicas ou concertadas da Comunidade Autónoma de Galicia ou se beneficie do cheque asistencial da Xunta de Galicia.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.6. Dedución por gastos dirixidos ao emprego de novas tecnoloxías nos fogares galegos

Que é?

É unha dedución que poderán facer as persoas contribuíntes que accedan durante o período impositivo a Internet mediante a contratación de liñas de alta velocidade.

Cal é o importe a deducir?

Poderán deducir o 30% das cantidades satisfeitas no concepto de cota de alta e cotas mensuais, cun límite máximo de 100 euros.

Que requisitos se deben cumprir?

- Só poderá aplicarse no exercicio no que se subscribe o contrato de conexión ás liñas de alta velocidade.
- A liña de alta velocidade contratada estará destinada ao uso exclusivo do fogar e non estará vinculada ao exercicio de calquera actividade empresarial ou profesional.
- Non será aplicable se o contrato de conexión supón simplemente un cambio de compañía prestadora do servizo e o contrato coa compañía anterior se realizou noutro exercicio.
- Non será aplicable cando se contrate a conexión a unha liña de alta velocidade e a persoa contribuínte manteña, asemade, outras liñas contratadas en exercicios anteriores.
- O límite máximo da dedución aplícase respecto de todas as cantidades satisfeitas durante o exercicio, ben correspondan a un só contrato de conexión ou ben a varios que se manteñan simultaneamente.
- No caso de matrimonios en réxime de gananciais, para calcular o importe máximo da dedución aplicable a cada cónxuxe en tributación individual, ratéase tanto o importe satisfeito como o límite máximo da dedución.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.7. Dedución por aluguer de vivenda habitual

Que é?

É unha dedución do 10% das cantidades satisfeitas ao longo do período impositivo en concepto de aluguer da vivenda habitual, cun límite de 300 euros por contrato de arrendamento.

Que requisitos se deben cumprir?

- A persoa debe ter 35 anos ou menos na data de devengo do imposto. No caso de tributación conxunta o requisito de idade haberá de cumprilo, como mínimo, un dos cónxuxes ou, no seu caso, a nai ou o pai.
- O contrato de aluguer debe ser posterior ao 1 de xaneiro de 2003.
- Deberase ter constituído o depósito da fianza a que se refire o artigo 36.1 da Lei 29/1994, de arrendamentos urbanos, no Instituto Galego da Vivenda e Solo.
- A base imponible non debe superar os 22.000 €.
- Cando dúas persoas teñan dereito a aplicación da dedución, o importe da mesma ratéase por partes iguais na declaración de cada unha delas.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.8. Dedución para o fomento do autoemprego

Que é?

É unha dedución de 300 € para as persoas de calquera idade, que causen alta no censo de persoas empresarias profesionais e retedoras, por primeira vez, durante o período

impositivo e manteñan a dita situación durante o ano natural, sempre que desenvolvan a súa actividade no territorio da Comunidade Autónoma de Galicia.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.9. Dedución por investimento na adquisición de accións ou participacións sociais en entidades novas ou de recente creación.

Que é?

É unha dedución do 20% das cantidades investidas durante o exercicio na adquisición de accións ou participacións sociais como consecuencia de acordos de constitución de sociedades ou de ampliación de capital en sociedades anónimas, limitadas, anónimas laborais ou limitadas laborais, cun límite de 4.000 euros, sempre que cumpran os requisitos establecidos no decreto legislativo 1/2011, do 28 de xullo, polo que se aproba o texto refundido das disposicións legais da comunidade autónoma de Galicia en materia de tributos cedidos polo Estado.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

4.10. Dedución por investimento en accións de entidades que cotizan no segmento de empresas en expansión do mercado alternativo bolsista

Que é?

É unha dedución do 20% das cantidades investidas durante o exercicio na adquisición de accións como consecuencia de acordos de ampliación de capital subscritos por medio do segmento de empresas en expansión do mercado alternativo bolsista, aprobado por acordo do Consello de Ministros do 30 de decembro de 2005, cun límite de 4.000 euros, sempre que cumpran os requisitos establecidos no Decreto legislativo 1/2011, do 28 de xullo, polo que se aproba o texto refundido das disposicións legais da Comunidade Autónoma de Galicia en materia de tributos cedidos polo Estado.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

B. IMPOSTO SOBRE SUCESIÓN E DOAZÓN

<http://www.conselleriadefacenda.es/web/portal/guia-imposto-sucesions-doazons>

Que é?

É un tributo que grava os incrementos patrimoniais obtidos a título lucrativo por persoas físicas, normalmente como consecuencia de herdanzas e doazóns, así como dos seguros de vida nos que o contratante sexa persoa distinta ao beneficiario.

É incompatible con outros impostos?

Este tributo é incompatible co imposto sobre a renda das persoas físicas, polo que a renda gravada polo imposto de sucesións non se someterá ao IRPF.

Cales son os beneficios máis significativos?

Equipáranse ao matrimonio as unións estables de parella que estean inscritas no Rexistro de Parellas de Feito de Galicia.

✓ *Nas sucesións*

- Establécense *reducións por parentesco* (van dende un límite máximo de 1.500.000 euros para descendentes e adoptadas/os de menos de 21 anos, ata os 8.000 euros para as persoas colaterais de segundo e terceiro grao, e ascendentes ou descendentes por afinidade) e *por discapacidade* (van dende os 150.000 euros para o grao de discapacidade entre o 33% e inferior ao 65%, ata 100% da base imponible cando o suxeito pasivo teña un grao de discapacidade igual ou superior ao 65%, sexa familiar de primeiro grao e cun patrimonio preexistente non superior a 3.000.000 euros).
- Na adquisición da vivenda habitual, a redución establécese en función do valor real do inmovible, sempre que sexa adquirida por descendentes, adoptadas ou adoptados, ascendentes ou adoptantes e colaterais que sexan maiores de 65 anos e vivisen coa persoa causante os dous anos anteriores ao falecemento, e a manteñan durante os 5 anos seguintes ao devengo do imposto. As reducións, cun límite de 600.000 euros, van dende o 95% ata o 100% cando a adquisición corresponda ao cónxuxe.
- Reducións, que poden acadar o 99% do valor, pola adquisición de bens e dereitos afectos a unha actividade económica e de participacións en entidades e de explotacións agrarias, pola adquisición de explotacións agrarias e de elementos afectos ou leiras forestais que formen parte de producións que realicen agrupacións de propietarios forestais dotados de personalidade xurídica.
- Reducións, que poden acadar o 95% do valor, pola adquisición de leiras rústicas incluídas na Rede Galega de Espazos Protexidos
- Dedución por parentesco do 100% do importe da cota tributaria nas adquisicións realizadas por descendentes e adoptadas/os, cónxuxes, ascendentes e adoptantes cunha base imponible sexa igual ou inferior a 125.000 euros. E, en todo caso, dedución do 99% no

importe da dita cota, para descendentes e adoptadas/os menores de 21 anos en todas as adquisicións e incluso das cantidades percibidas de seguros de vida.

✓ *Nas doazóns:*

- Redución do 95% na base imponible na doazón de diñeiro, non superior aos 60.000 €, destinada á adquisición dunha vivenda habitual en Galicia, polas/os descendentes menores de 35 anos ou mulleres vítimas de violencia de xénero.
- Redución, que poden acadar o 99% do valor, pola adquisición de bens e dereitos afectos a unha actividade económica e de participacións en entidades, pola adquisición de explotacións agrarias ou leiras forestais que formen parte de producións que realicen agrupacións de propietarios forestais dotados de personalidade xurídica.

Atención e asesoramento

<http://www.conselleriadefacenda.es/web/portal/introduccion-area-tributos>

C. IMPOSTO SOBRE TRANSMISIÓNS PATRIMONIAIS E ACTOS XURÍDICOS DOCUMENTADOS

<http://www.conselleriadefacenda.es/web/portal/guia-imposto-actos-xuridicos>

Na aplicación destes beneficios, os conceptos de vivenda habitual, adquisición de vivenda habitual e de unidade familiar serán os contemplados na normativa reguladora do IRPF.

✓ *Nas transmisións patrimoniais onerosas*

- Aplicación dun tipo gravame reducido, que será do 4% fronte ao xeral que é o 7%, para contribuíntes afectados por unha discapacidade cun grao igual ou superior ao 65%, ás transmisións de inmobles que vaian constituír a vivenda habitual do contribuínte. No caso de que a vivenda fose adquirida por varias persoas, o tipo aplicarase exclusivamente á parte proporcional que corresponda á persoa contribuínte con discapacidade

- Aplicación dun tipo de gravame reducido, do 4% fronte ao 7% xeral, ás transmisións de inmobles que vaian constituír a vivenda habitual do contribuínte, cando na data de devengo do imposto sexa membro dunha familia numerosa e non superen os 400.000 euros de patrimonio, mais 50.000 euros por cada membro superior ao mínimo para obter a condición de familia numerosa.
- Bonificación na cota do 100% para aqueles arrendamentos de vivenda que se realicen entre particulares con intermediación do IGVS ao abeiro do programa de fomento de aluguer.
- Dedución na cota do 100% no suposto de arrendamento de terreos rústicos.
- Dedución na cota do 100% na adquisición de leiras forestais que formen parte de producións que realicen agrupacións de propietarios forestais dotados de personalidade xurídica.
- Dedución na cota do 95% nas transmisións en propiedade ou cesión temporal de predios integrantes do Banco de Terras de Galicia.

✓ *Nos Actos Xurídicos Documentados*

- Aplicación dun tipo de gravame reducido, que será do 0,75% fronte ao 1% xeral, nas primeiras copias de escrituras que documenten a primeira adquisición de vivenda habitual ou a constitución de préstamos hipotecarios destinados ao seu financiamento.
- Aplicación dun tipo de gravame reducido, do 0,3 fronte ao 1% xeral, nas primeiras copias de escrituras que documenten a primeira adquisición de vivenda habitual, cando na data de devengo do imposto sexa membro dunha familia numerosa e non superen os 400.000 euros de patrimonio, mais 50.000 euros por cada membro superior ao mínimo para obter a condición de familia numerosa.
- Dedución do 100% da cota para a constitución de préstamos hipotecarios destinados á cancelación doutros préstamos ou créditos hipotecarios que foran destinados ao financiamento da adquisición dunha vivenda habitual.

- Dedución do 100% da cota nas operacións de subrogación e modificación de préstamos e créditos hipotecarios para o investimento en vivenda habitual.
- Dedución na cota do 95% nas transmisións en propiedade ou cesión temporal de predios integrantes do Banco de Terras de Galicia.
- Dedución na cota do 100% na adquisición de leiras forestais que formen parte de producións que realicen agrupacións de propietarios forestais dotados de personalidade xurídica.

Atención e asesoramento

<http://www.conselleriadefacenda.es/web/portal/introduccion-area-tributos>



5. Medidas e benefícios fiscais de âmbito estatal

A. IMPOSTO SOBRE A RENDA DAS PERSOAS FÍSICAS (IRPF)

5.1. *Redución por tributación conxunta*

Que é?

Son reducións da base imponible xeral que se aplican para obter a base liquidable xeral. Aínda que a base imponible xeral nunca poderá resultar negativa como consecuencia das ditas reducións.

Cales son?

- ✓ Redución de 3.400 euros que se aplicarán nas declaracións conxuntas de unidades familiares integradas por ambos cónxuxes non separados legalmente e, se os houbera, as fillas ou fillos menores que convivan, así como as e/ou os maiores de idade incapacitados xudicialmente suxeitos a patria potestade prorrogada ou rehabilitada.
- ✓ Redución de 2.150 euros que se aplicarán nas declaracións conxuntas de unidades familiares monoparentais, é dicir, nas unidades familiares formadas, no caso de separación legal ou cando non exista vínculo matrimonial, pola nai ou o pai e todos as fillas ou fillos, que convivan, menores e/ou maiores de idade incapacitados xudicialmente suxeitos á patria potestade prorrogada ou rehabilitada.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.2. Mínimo persoal e familiar

Que é?

O mínimo persoal e familiar é a adecuación do imposto ás circunstancias persoais e familiares da persoa contribuínte. Constitúe a parte da base liquidable que, por destinarse a satisfacer as necesidades básicas persoais e familiares da persoa contribuínte, non se somete a tributación.

O mínimo persoal e familiar é o resultado de sumar as contías correspondentes aos mínimos da persoa contribuínte, por descendentes, por ascendentes e por discapacidade da persoa contribuínte, das ou dos seus ascendentes e/ou descendentes.

Cal é o mínimo da persoa contribuínte?

A valoración que fai o Estado, a efectos do IRPF, de canto lle costa a unha persoa cubrir as súas necesidades vitais mínimas. Esta contía non se considera renda dispoñible e non se somete a tributación. Con carácter xeral, será de 5.151 €, aumentando en 918 € para os maiores de 65 anos e en 1.122 € para os maiores de 75 anos.

Cal é o mínimo por descendentes?

Terán a consideración de descendentes, as fillas ou fillos, as netas ou netos, as bisnetas ou bisnetos, etc., que descendan da persoa contribuínte e que estean unidas ou unidos por vínculo de parentesco en liña directa por consanguinidade ou por adopción. Tamén, asimílanse a descendentes aquelas persoas vinculadas a persoa contribuínte por razón de tutela ou acollemento permanente ou preadoptivo.

Para poder aplicarse o dito mínimo, as ou os descendentes deben cumprir os seguintes requisitos:

- Que as ou os descendentes sexan menores de 25 anos, salvo que acrediten unha discapacidade igual ou superior ao 33%,
- que convivan coa persoa contribuínte,

- que non teñan renda superiores a 8.000 €/anuais, excluídas as exentas,
- que non presenten independentemente a declaración de IRPF con rendas superiores a 1.800 euros.

Mínimo por descendentes	
Pola primeira filla ou primeiro fillo	1.836 €
Pola segunda filla ou segundo fillo	2.040 €
Pola terceira filla ou terceiro fillo	3.672 €
Pola cuarta filla ou cuarto fillo e posteriores	4.182 €

Cando a ou o descendente é menor de 3 anos o mínimo increméntase en 2.244 €, e nos supostos de adopción ou acollemento, o dito aumento producirase no período impositivo no que se inscriba no Rexistro Civil e nos dous anos seguintes.

Cal é o mínimo por ascendente?

Terán a consideración de ascendentes, as nais ou pais, as avoas ou avós, as bisavoas ou bisavós, etc., de quen descenda a persoa contribuínte e que estean unidas ou unidos por vínculo de parentesco en liña recta por consanguinidade ou por adopción.

Para poder aplicarse o dito mínimo as ou os ascendentes deben cumprir os seguintes requisitos:

- Ser maior de 65 anos ou, calquera que sexa a súa idade, que se trate dunha persoa cun grao de discapacidade igual ou superior ao 33%.
- Convivir coa persoa contribuínte, polo menos, a metade do período impositivo. Entre outros casos, considerarase que conviven coa persoa contribuínte as e os ascendentes con discapacidade que, dependendo desta, sexan internadas ou internados en centros especializados.
- Non debe ter rendas anuais, excluídas as exentas, superiores a 8.000 €.
- Non presentar independentemente a declaración de IRPF con rendas superiores a 1.800 euros.

Mínimo por ascendentes	
Por ascendentes maiores de 65 anos e persoas discapacitadas	918 €
Por ascendentes de máis de 75 anos	2.040 €

Cal é o mínimo por discapacidade?

Terán a consideración de persoas con discapacidade aquelas que acrediten un grao de discapacidade igual ou superior ao 33%, mediante certificado ou resolución emitida polo organismo correspondente. Tamén, asímílanse:

- ✓ cun grao igual ou superior ao 33% as persoas pensionistas da Seguridade Social que teñan recoñecida unha pensión de incapacidade permanente total, absoluta ou gran invalidez e no caso de pensionistas de clases pasivas que teñan recoñecida unha pensión de xubilación ou retiro por incapacidade permanente para o servizo ou inutilidade.
- ✓ cun grao superior ao 65% as persoas cuxa incapacidade sexa declarada xudicialmente.

Mínimos por discapacidade da persoa contribuínte e de descendente e/ou ascendente	
Por discapacidade entre o 33% e o 64%	Incremento 2.316 €
Por discapacidade $\geq$ 65%	Incremento 7.038 €

Aos ditos mínimos aplicarase un incremento de 2.316 euros anuais en concepto de gastos de asistencia, cando acredítese necesitar axuda de terceiras persoas ou mobilidade reducida.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.3. *Dedución por maternidade para mulleres traballadoras con fillas ou fillos menores de 3 anos*

Que é?

Dedución dirixida a mulleres con fillas ou fillos menores de 3 anos, que realicen unha actividade por conta propia ou allea para a que estean dadas de alta no réxime correspondente da Seguridade Social ou Mutuality.

A dedución por maternidade será de ata 1.200 euros anuais por filla o fillo e pode facerse efectiva de dúas formas:

- ✓ percibindo de forma anticipada mediante transferencia bancaria, 100 euros ao mes por filla ou fillo a cargo ata que cumpra os tres anos de idade,
- ✓ ou aplicando unha dedución de 1.200 euros na declaración do IRPF.

Que requisitos se deben cumprir?

- As solicitantes deben ser mulleres con fillas e fillos menores de 3 anos, con dereito á aplicación do mínimo por descendentes, que teñan un traballo por conta allea ou propia, para o que estean dadas de alta no correspondente réxime da Seguridade Social ou Mutuality.
- A dedución será dun máximo de 1.200 euros anuais por cada filla ou fillo menor de 3 anos e terá como límite as cotizacións e cotas totais á Seguridade Social e Mutualidades en cada período impositivo con posterioridade ao nacemento, adopción ou acollemento.
- No caso de adopción ou acollemento, a dedución aplicarase, con independencia da idade da ou do menor, nos tres anos posteriores á inscrición no Rexistro Civil ou da correspondente resolución xudicial ou administrativa.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.4. Deducción por obtención de rendimientos do traballo ou de actividades económicas

Que é?

A persoa contribuínte, cuxa base imponible sexa inferior a 12.000 euros anuais que obteña rendements do traballo ou de actividades económicas, poderán realizar unha dedución na cota líquida total do imposto minorada da seguinte contía:

✓ cando a base imponible sexa igual ou inferior a 8.000 euros	400 euros anuais
✓ cando a base imponible este comprendida entre 8.000,01 e 12.000 euros	$400 - 0,1 \times (\text{base imponible} - 8.000)$

Quen se beneficia?

As/os traballadoras/es por conta allea, pensionistas e autónomas/os, que cumpran os requisitos establecidos.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.5. *Deducción por alquiler da vivenda habitual*

Que é?

As persoas contribuíntes poderán deducir o 10,05% das cantidades anuais satisfeitas por aluguer da súa vivenda habitual, sempre que teñan unha base imponible inferior a 24.107,20 euros anuais.

A base máxima de dedución será de 9.040 euros cando a base imponible sexa igual ou inferior a 17.707,20 euros anuais. E cando estea entre 17.707,20 e 24.107,20 € a base máxima de dedución ira minorándose.

Esta dedución estatal é compatible con calquera dedución autonómica polo mesmo concepto.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.6. *Deducción por investimento na vivenda habitual*

Que é?

As persoas contribuíntes poderán aplicar unha dedución por investimento na vivenda habitual, sempre que cumpran uns requisitos nos seguintes supostos:

- ✓ Adquisición ou rehabilitación da vivenda habitual.
- ✓ Construción ou ampliación da vivenda habitual.
- ✓ Cantidades depositadas nas contas vivenda.
- ✓ Obras e instalacións de adecuación da vivenda habitual por razón de discapacidade.

Cales son as bases máximas de dedución, con carácter xeral?

- 9.400 euros nos conceptos de investimento en adquisición, rehabilitación, construción ou ampliación da vivenda habitual e de cantidades depositadas nas contas vivenda.
- 12.080 euros no concepto de cantidades destinadas á realización de obras e instalacións de adecuación da vivenda habitual da persoa contribuínte por razón de discapacidade.

Atención e asesoramento

Axencia Estatal de Administración Tributaria

Tel.: 901.200.345 / 901.335.533

<http://www.aeat.es>

<http://www.agenciatributaria.es>

5.7. Dedución por obras de mellora na vivenda

Que é?

Dedución de ata 6.750 euros, un 20% das cantidades satisfeitas, ata o 31 de decembro de 2012, por obras realizadas nunha vivenda ou no edificio no que se atopa, que teñan por finalidade o aumento da eficiencia enerxética, a substitución de instalacións de subministro, a creación de infraestruturas que favorezan a accesibilidade ou a implantación de instalacións relacionadas coa sociedade da información.

Quen se beneficia?

As persoas contribuíntes cuxa base imponible sexa inferior ou igual aos 53.007,20 euros poderán deducir ata 6.750 euros anuais, e as que teñan unha base imponible entre os 53.007,20 e os 71.007 euros, a base da dedución será minorada.

As cantidades satisfeitas no exercicio non deducidas por exceder da base máxima anual de dedución poderán deducirse, co mesmo límite, nos catro exercicios seguintes. De todas non pode exceder de 20.000 euros por vivenda como base acumulada.

Esta dedución é incompatible, para as mesmas cantidades, coa dedución por inversión en vivenda habitual.

Atención e asesoramento

Axencia Estatal de Administración Tributaria

Tel.: 901.335.533

<http://www.aeat.es>

<http://www.agenciatributaria.es>

B. OUTRAS MEDIDAS

5.8. Tarifa eléctrica reducida ou bono social

Que é?

É unha bonificación na factura eléctrica para os consumidores domésticos mais vulnerables, concretase na conxelación da tarifa vixente no momento da posta en marcha da tarifa de último recurso (TUR).

Aplicase de xeito automático a quen teña unha potencia contratada inferior a 3 Kw na súa primeira residencia e o resto de colectivos deberán solicitala á súa comercializadora.

Quen se beneficia?

Poderán acollerse catro colectivos:

- As persoas que teñan contratada unha potencia menor a 3 Kw na súa primeira vivenda,
- calquera persoa perceptora dunha pensión mínima,
- fogares con todos os seus membros en paro,
- familias numerosas.

Atención e asesoramento

Ministerio de Industria, Energía y Turismo

Tel.: 913 494 640 | 902 446 006 <http://www.bono-social.es>

<http://www.minetur.gob.es/energia/Tur/Bonosocial/Paginas/BonoSocial.aspx>

5.9. Financiamento ICO para rehabilitación de viviendas

Que é?

É un préstamo, de ata o 100% do investimento ata un máximo de 10 millóns €, que debe destinarse á rehabilitación de viviendas, edificios e/ou os seus elementos comúns.

É compatible con calquera tipo de axudas recibidas das comunidades autónomas ou outras institucións sempre que estes organismos non establezan outra cousa.

O período de amortización pode chegar ata 20 anos e pode incluír período de carencia.

Quen se beneficia?

Particulares e comunidades de propietarios.

Atención e asesoramento

<http://www.icodirecto.es>

5.10. Redución do tipo de gravame aplicable ás obras de renovación e reparación de viviendas para uso particular

Que é?

Redución do tipo impositivo do IVE para todo tipo de obras de renovación e reparación das viviendas particulares ou dos edificios nas que se atopen, que se realicen ata o 31 de decembro de 2012. O tipo de gravame aplicable é do 10% nas obras de albanelaría, fontanaría, carpintaría, electricidade, pintura, escaiola, instalacións e montaxes.

Quen se beneficia?

A persoa física que destine a vivenda a uso particular e, tamén, as comunidades de propietarios polas obras realizadas no edificio no que se atope a vivenda, sempre que se cumpran uns requisitos de tempo (a construción ou rehabilitación da vivenda debeu

finalizar ao menos dous anos antes do inicio das obras) e de custos dos materiais (o material subministrado polo que realiza as obras non debe superar o 40% da base imponible da operación).

Atención e asesoramento

Axencia Estatal de Administración Tributaria

Tel.: 901.335.533

<http://www.agenciatributaria.es>

5.11. Plan integral de impulso ao vehículo eléctrico

Que é?

É unha subvención directa do 25% do prezo neto antes de impostos (no caso das categorías M1, N1, L3e, L5e, L6e, L7e pode chegar ata 6.000 euros) para a adquisición de vehículos eléctricos, xa sexa por compra, leasing financeiro, arrendamento por renting ou leasing operativo.

A solicitude de subvención é realizada pola persoa axente de vendas ou concesionario adherido a este plan de axudas.

Quen se beneficia?

As persoas físicas, autónomos, entidades privadas e administracións públicas e organismos sociedades o entidades que teñan consideración de carácter público estatal, autonómico o local.

Atención e asesoramento

Ministerio de Industria, Energía y Turismo

Tel.: 902 446 006

<http://www.sitve.es>

5.12. Axudas no caso de non aboamento de pensións de alimentos en situacións de separación ou divorcio

Que é?

É un anticipo ou prestación económica que o Fondo de Garantía do Pago de Alimentos recoñece á persoa titular dunha pensión alimenticia que non está a ser aboada, adiantándolle a pensión alimenticia (en todo ou en parte) pola persoa obrigada ao pago.

Quen se beneficia?

A persoa (menor de idade e/ou maior cun grao de discapacidade igual ou superior ao 65%) titular dun dereito a pensión alimenticia recoñecido, mediante resolución xudicial ou convenio regulador xudicialmente aprobado, que non sexan aboadas pola persoa obrigada ao seu pago, e que pedira a execución da sentenza xudicial que recoñece o dereito á pensión, resultando esta infrutuosa, sempre e cando a unidade familiar na que esta integrada cumpra uns requisitos económicos.

Cal é a súa contía?


A contía do anticipo por cada persoa beneficiaria é de 100 euros mensuais, agás que por resolución xudicial teña recoñecido un importe menor, de ser o caso, aboarase o importe establecido. O anticipo abóase por un período máximo de 18 meses e o percibe a persoa que ostente a garda e custodia da persoa beneficiaria.

Atención e asesoramento

Ministerio de Hacienda y Administraciones Públicas

Tel.: 900.503.055

<http://www.clasespasivas.sgpg.pap.meh.es>



6. Servizos de apoio



6.1. Portal web das familias galegas

Web de asesoramento e información onde se recollen todos os recursos destinados ás familias galegas.

O seu enderezo é <http://www.familiasgalegas.org>

Atención e asesoramento

Secretaría Xeral de Política Social

Subdirección de Familia e Menores

6.2. Rede galega de escolas infantís

Que son as escolas infantís?

As escolas infantís son equipamentos diúrnos de carácter socioeducativo que ofrecen o primeiro ciclo de educación infantil de acordo cos principios e contidos educativos recollidos no currículo do primeiro ciclo de educación infantil de Galicia.

Cales son os seus obxectivos?

- Fomentar o pleno desenvolvemento da personalidade e das capacidades dos nenos e nenas presentando contornos educativos de calidade en colaboración coas familias.
- Compensar as desigualdades persoais, culturais, económicas e sociais atendendo á diversidade de aptitudes, intereses, expectativas e necesidades dos nenos e nenas e das súas familias.
- Responder ás necesidades das familias na educación e crianza dos seus fillos e fillas, adaptando de maneira flexible a organización e os servizos que prestan os centros como instrumento para favorecer a conciliación entre a vida familiar, laboral e persoal.
- Procurar a corresponsabilidade entre a escola e as familias na educación e atención dos nenos e nenas, establecendo lugares de encontro entre os dous ámbitos responsables da educación dos nenos e das nenas.

- Construír un modelo educativo democrático e plural abrindo os centros á participación de toda a comunidade educativa.
- Desenvolver procesos educativos de calidade fomentando a colaboración entre familias, profesionais, centros, diferentes administracións e o conxunto da sociedade.
- Fomentar a igualdade efectiva entre os nenos e nenas promovendo actividades e comportamentos que favorezan o exercicio da igualdade de dereitos e oportunidades.

Que tipo de escolas infantís, públicas ou financiadas con fondos públicos, segundo a súa titularidade, hai en Galicia?

- As escolas infantís dependentes da Consellería de Traballo e Benestar.
- As escolas infantís municipais.
- As escolas infantís do Consorcio Galego de Servizos de Igualdade e Benestar.
- As escolas infantís dependentes de entidades de iniciativa social sen ánimo de lucro.

Como se accede ás escolas infantís da Consellería de Traballo e Benestar?

As familias interesadas deberán presentar a súa solicitude dentro do prazo establecido na orde anual de adxudicación de prazas para escolas infantís da Xunta de Galicia que se publica no Diario Oficial de Galicia.

Os impresos de solicitude facilitaranse nos propios centros nos que se solicita praza, nas xefaturas territoriais de Traballo e Benestar e nos enderezos electrónicos (<http://benestar.xunta.es>) e (<http://www.escolasinfatis.net>).

Como se accede ás escolas infantís do Consorcio Galego de Servizos de Igualdade e Benestar?

Para acceder ás escolas infantís do Consorcio Galego de Servizos de Igualdade e Benestar os/as solicitantes deberán dirixirse ao propio consorcio ou á escola infantil para a que se desexe solicitar a praza.

Como se accede ás escolas infantís municipais?

Para acceder ás escolas infantís municipais deberán dirixirse á escola infantil para a que se desexa solicitar praza ou ao concello do que dependa.

Como se accede ás escolas infantís de iniciativa social?

Para solicitar praza nas escolas infantís de iniciativa social, os/as solicitantes deberán dirixirse á escola infantil para a que se desexa solicitar a praza.

Atención e asesoramento

Nas propias escolas infantís e segundo a súa titularidade o organismo titular.

Xefaturas territoriais da Consellería de Traballo e Benestar.

A Coruña: 981.185.700

Ourense: 988.386.149

Lugo: 982.294.202

Pontevedra: 986.817.089

Secretaría Xeral de Política Social: 981.545.666

<http://www.familiasgalegas.org>

<http://traballoebenefestar.xunta.es>

Consorcio Galego de Servizos de Igualdade e de Benestar: 981.568.705

<http://www.igualdadebenestar.org>

6.3. Programa do cheque infantil

Que é?

Consiste nunha axuda económica para a atención de nenas e nenos de 3 meses a 3 anos en escolas infantís non sostidas con fondos públicos. A axuda consiste nunha cantidade para contribuír ao pagamento da praza nunha escola infantil 0-3 non sostida con fondos públicos, ás persoas solicitantes con nenas e/ou nenos ao seu cargo, por un período máximo de 11 meses.

Quen pode beneficiarse?

Poderán beneficiarse todas aquelas persoas que cumpran os seguintes requisitos:

- Solicitar praza en escolas infantís de 0 a 3 anos sostidas con fondos públicos e que non resulte adxudicatarias dunha delas por falta de prazas dispoñibles.
- Residir nunha localidade onde non existan escolas infantís 0-3 anos sostidas con fondos públicos e desexen obter a axuda para unha praza nalgún centro privado existente

no concello de residencia, noutro que sexa limítrofe ou ben no concello onde traballen as/os nais/pais ou titores legais.

- Non cumprir a nena ou neno a cargo os 3 anos dentro do ano natural no que se solicita.
- Non dispoñer doutras axudas para igual ou análoga finalidade outorgadas por outros organismos ou institucións públicas ou entes privados que, en concorrencia coa regulada nesta orde, supere o custo da praza.
- Que os centros a que acudan as persoas beneficiarias deberán contar coa autorización pertinente segundo o establecido no Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia.

Como se solicita?

As familias interesadas deberán presentar unha solicitude dentro do prazo establecido na convocatoria anual para acollerse ao programa, que se publica no Diario Oficial de Galicia.

Non obstante, as persoas que pediren e non obtiveron praza nas escolas infantís sostidas con fondos públicos, considéranse solicitantes de oficio se na solicitude de prazas para as escolas infantís sostidas con fondos públicos exerceron a opción do programa cheque infantil. Nestes casos non habería que presentar nova solicitude.

Cal é a súa contía?

A contía da axuda económica estará en función da renda per cápita da unidade familiar, non podendo superar en ningún caso o custo da praza. Pode ir desde os 250,00€ para a atención educativa con comedor no caso de rendas inferiores ao 30% do IPREM, ata 45,00€ no caso de atención educativa e rendas superiores a 1.000 euros.

Atención e asesoramento

Xefaturas territoriais da Consellería de Traballo e Benestar

A Coruña: 981.185.700

Ourense: 988.386.149

Lugo: 982.294.202

Pontevedra: 986.817.089

Secretaría Xeral de Política Social: 981.545.666

<http://escolasinfantis.net>

<http://traballoebeneficencia.xunta.es>

6.4. *Gabinetes de orientación familiar*

Que son?

Os gabinetes de orientación familiar (GOF) constitúen un recurso especializado no apoio e na promoción da calidade de vida das persoas e das familias, e na atención e prevención das diferentes situacións problemáticas que se poidan dar no ámbito da convivencia cotiá.

A que niveis actúan?

- Informativo, facilitándolles ás familias a información necesaria para favorecer unha mellor comprensión do medio e dos recursos dispoñibles.
- Educativo e formativo, proporcionándolles ás familias os medios necesarios para o desenvolvemento integral das súas funcións e das súas habilidades, fortalecendo os vínculos do sistema familiar e facilitando que a dinámica individual e familiar sexa creativa, eficaz e enriquecedora.
- Preventivo, de preparación perante as distintas etapas ou situacións polas que pasan as familias no seu ciclo vital.
- Axuda persoal e emocional, ofrecendo atención e acompañamento en calquera momento da vida e, en especial, nos momentos de crises provocadas por desgrazas inesperadas, tanto formal a través da terapia familiar coma informal a través das redes de axuda mutua ou grupos de apoio familiar
- Orientación, acompañando as familias, ofrecendo asesoramento para a toma de decisións, a resolución de conflitos e a mobilización dos recursos propios e do contorno, así como no proceso de planificación de apoios.
- Terapia e tratamento co fin de superar os dinamismos disfuncionais das familias, facendo posible o seu progreso e a súa adaptación.

Quen pode beneficiarse?

Todas aquelas persoas con residencia en Galicia que consideren que na súa familia existe algún conflito: de parella, entre nais e pais e fillas e fillos ou coa familia extensa.

Como actúan?

Os GOF só poderán actuar por petición directa e voluntaria das persoas que así o requiran.

Os gabinetes respectarán e terán en conta as opinións de todos os membros da familia garantindo a confidencialidade e o segredo profesional.

Onde se atopan e cal é a súa composición?

Os gabinetes de orientación familiar están adscritos aos servizos de Familia e Menores dos xefatura territoriais da Consellería de Traballo e Benestar e están formados por un equipo multidisciplinar, integrado por profesionais das áreas de traballo social, psicoloxía e dereito, todos especializados na atención dos conflitos familiares e de parella.

A Coruña	Rúa Salvador de Madariaga, 9, 1ª planta 15008 A Coruña	981185757
Lugo	Rolda da Muralla, 70. 27071 Lugo	982294371
Ourense	Camiño Prado Lonia, s/n. 32004 Ourense	988386128
Pontevedra	Concepción Arenal, 8, 1 planta . 36201 Vigo	986817085

Atención e asesoramento

Secretaría Xeral de Política Social

Subdirección de Familia e Menores: 981.957.165

<http://www.familiasgalegas.org>

<http://traballoebenefestar.xunta.es>

6.5. *GOF virtual*

Este servizo en liña procurará proporcionar, ás familias ou calquera persoa interesada, de maneira gratuíta, información e asesoramento sobre diversas cuestións, como servizos, recursos sociais, programas, disposicións legais, etc., por parte de persoas profesionais especializadas no ámbito da familia e a infancia. Pero nunca dará directrices técnicas sobre pautas de comportamento, habilidades, etc.

Este servizo está aloxado na páxina web <http://www.familiasgalegas.org/>, nun novo apartado, “**GABINETES DE ORIENTACIÓN FAMILIAR**”, dentro do menú principal.

6.6. *Puntos de encontro familiar*

Que son?

Son un servizo que facilita e preserva a relación entre as e os menores e as persoas das súas familias en situación de crise, e que procura a seguridade e o benestar das nenas e dos nenos e facilita o cumprimento do réxime de visitas.

Constitúen un equipamento social, de carácter neutral, especializado para o cumprimento do réxime de visitas establecido pola autoridade competente que ten por obxecto favorecer as relacións entre as/os menores e as súas familias cando, nunha situación de separación, divorcio, ou noutros supostos de interrupción da convivencia familiar, o exercicio do dereito de visitas se ve interrompido, ou o seu cumprimento resulta difícil ou conflitivo.

Cal é a súa finalidade?

- Favorecer o cumprimento do dereito fundamental das nenas e nenos a manter a relación con ambos proxenitores despois da separación, establecendo os vínculos necesarios para o seu bo desenvolvemento psíquico, afectivo e emocional.
- Facilitar o encontro das fillas e fillos co proxenitor/a non custodio e, de ser o caso, coa súa familia extensa.

- Acadar a normalización das relacións familiares, de xeito que o recurso chegue a resultar innecesario para a familia.
- Procurar a seguridade das nenas e nenos durante o cumprimento do réxime de visita e previr situacións de violencia.
- Favorecer e potenciar que as e os menores expresen con liberdade e sen medo os seus sentimentos e necesidades fronte a ambos proxenitores.
- Facilitar orientación profesional para mellorar as relacións materno/paterno- filiais e as habilidades parentais de crianza.
- Proporcionar información e derivar aos servizos especializados, ás mulleres que sofren violencia de xénero e ás persoas dependentes delas.
- Dispoñer de información fidedigna sobre as actitudes e aptitudes parentais que axuden a defender, se fose necesario, os dereitos das e dos menores noutras instancias administrativas ou xudiciais.

Que intervencións se levan a cabo?

Con respecto a execución do réxime de visitas:

- Intercambio das e dos menores. Consiste na supervisión da entrega e recollida da ou do menor no punto de encontro familiar cando o réxime de visitas non se vai executar no devandito centro.
- Visitas tuteladas. Son as que se desenvolven de forma controlada baixo a supervisión e presenza continuada dunha persoa profesional do equipo técnico do centro.
- Visitas sen supervisión. Visitas que se desenvolven no punto de encontro familiar pero sen requirir a supervisión directa ou presenza continuada do equipo técnico, especialmente en casos en que a persoa proxenitora con dereito a visita careza de vivenda na localidade ou esta non reúna as condicións axeitadas.

E ademais outras intervencións complementarias ao réxime de visitas:

- Deseño e desenvolvemento dun programa psicosocioeducativo individualizado de intervención coas familias e as/os menores, que teña como obxecto final acadar a normalización das relacións familiares.
- Orientación e asesoramento familiar proporcionando información, atención e apoio a nais, pais e menores, favorecendo a creación de relacións familiares óptimas e de actitudes positivas.
- Aquelas outras encamiñadas a preparar as nais e os pais, e as súas fillas e fillos, para reducir o impacto da nova situación familiar e para que no futuro as relacións evolucionen de tal xeito que os encontros cheguen a realizarse de maneira normalizada coas maiores garantías posibles.

Atención e asesoramento

A Coruña	Centro Fonseca	981216097
Ferrol	Asociación A Carón	981369217
Santiago	Asociación Encontro	981577595
Lugo	Asociación de Mulleres Separadas e Divorciadas	982229861
Ourense	Asociación Punto Cero	667055954
Pontevedra	Asociación Aloumiño	986861999
Vigo	Asociación Aloumiño	986376108

Secretaría Xeral de Política Social

Subdirección de Familia e Menores: 981.544.623 / 981.957.165

<http://www.familiasgalegas.org>

<http://traballoebeneficencia.xunta.es>

6.7. Residencias de tempo libre

Que son?

Son complexos residenciais destinados ao gozo do ocio e do lecer das familias, dependentes da Consellería de Traballo e Benestar, situados en Panxón-Nigrán (Pontevedra) e O Carballiño (Ourense), que se poñen a disposición da poboación para o goce de estadias no período estival (xullo, agosto e primeira quincena de setembro).

Cal é a forma de acceso?

A adxudicación das estadias na tempada estival regúlase mediante orde de carácter anual, podendo ser solicitada por:

- As persoas maiores de idade, ou menores acompañadas dos proxenitores ou representantes legais, que teñan a súa residencia en territorio do Estado español.
- As galegas e galegos residentes no exterior.

A adxudicación das prazas efectúase por sorteo de datas de entrada das solicitudes presentadas para cada residencia.

Cales son os servizos ofertados?

- Servizo de residencia: aloxamento e manutención en réxime de pensión completa, durante a quenda adxudicada ás persoas beneficiarias.
- Servizo para non residentes: servizo de comedor para familiares e amigas/os das persoas residentes que veñan visitar a instalación.

Cal é o seu custo?

Custo do servizo de residencia

Estadía e mantenza das persoas residentes na tempada alta	36 euros/persoa /día
Aloxamento na véspera da incorporación	21 euros / cuarto

Servizo de comedor para visitantes

Estes prezos incrementanse un 10% os domingos e festivos.

Almorzo	2 euros
Xantar	8 euros
Cea	6 euros

Que descontos hai?

- As nenas e nenos menores de 2 anos que non utilicen os servizos de comedor ou durman nos cuartos das súas responsables: exentas/os.
- As nenas e os nenos comprendidas/os entre os 2 e os 12 anos: 50% sobre o importe das estadias.
- As familias numerosas: 30% sobre o prezo final que resulte da súa estadia.
- As persoas que acrediten unha discapacidade: 10%
- As persoas maiores de 60 anos: 10%.
- As mulleres vítimas de violencia de xénero: 50%

Os descontos que se especifican anteriormente considéranse incompatibles entre si de acordo co establecido no Decreto 84/2012, do 16 de febreiro, polo que se establecen os prezos públicos polas prestacións das residencias de tempo libre da Consellería de Traballo e Benestar.

Atención e asesoramento


Ourense	Zona do Parque- 32500 O Carballiño	988270200	rtlcarballiño@xunta.es
Pontevedra	Rúa Cansadoura, 2 36340 Panxón. Nigrán	986365221	rtlpanxon@xunta.es

Secretaría Xeral de Política Social

Subdirección de Familia e Menores: 981.544.623

<http://www.familiasgalegas.org>

<http://traballoeibenestar.xunta.es>

The page features a light purple background. On the left side, there is a large white circle. A horizontal purple bar with rounded ends spans the width of the page near the bottom. The text '7. Plans e programas' is written in a green, sans-serif font, positioned to the right of the white circle.

7. Plans e programas

7.1. Programas para a educación e o apoio familiar

Que son?

Son o conxunto de proxectos e servizos de apoio educativo e psicosocial dirixidos ás familias co obxectivo de detectar, previr e superar as situacións de dificultade, promovendo procesos de cambio que favorezan un axeitado exercicio das funcións familiares, así como a autonomía, a responsabilidade e a participación social das persoas, grupos e comunidades.

Que obxectivo ten?

A intervención social individualizada de carácter integral en núcleos familiares, especialmente con aqueles que se atopan en situación de dificultade social ou risco. Contemplando tanto actuacións socioeducativas e asistenciais, como de inserción sociolaboral, así como accións preventivas grupais e comunitarias contempladas como factores de protección ás familias e á infancia.

Como traballan?

Coas familias e as persoas que as integran:

- Acompañamento e orientación nos procesos de cambio dos seus modos de xestión dos problemas cotiás, incrementando as súas expectativas de futuro e facilitándolles o acceso aos recursos comunitarios.

A nivel grupal:

- Abordaxe de temas do seu interese, como os límites e normas coas fillas e fillos, autoestima e seguridade para a abordaxe de diferentes situacións, modelos de resolución de conflitos, promovendo as competencias das familias e potenciando un desenvolvemento óptimo da vida familiar e social.

A nivel comunitario:

- Coordinando actuacións cos recursos e servizos da comunidade, motivando a participación e o compromiso dos diferentes axentes na mellora dos problemas sociais e do

benestar das familias, e con outros recursos especializados, que interveñen nalgún aspecto da vida das familias, para favorecer unha resposta integral.

Como se articulan?

Os programas son desenvolvidos por persoal técnico especializado no traballo con familias, que forman parte do equipo de servizos sociais comunitarios dos concellos.

Atención e asesoramento

Os departamentos de servizos sociais dos concellos.

Secretaría Xeral de Política Social.

Subdirección de Inclusión Social e Cooperación coas Corporacións Locais: 981.545.631

<http://www.familiasgalegas.org>

<http://traballoebenefestar.xunta.es>

7.2. Programa de estadias de tempo libre para mulleres soas con responsabilidades familiares non compartidas.

Que é?

Son estadias gratuítas, durante sete a dez días, en réxime de pensión completa, preferentemente entre finais do mes de xuño e principios do mes de xullo, para mulleres con responsabilidades familiares non compartidas acompañadas das súas fillas e/ou fillos entre 2 a 12 anos e con baixos niveis de ingresos.

Cal é o obxectivo?

Trátase de facilitar ás mulleres que teñan fillas ou fillos menores exclusivamente ao seu cargo un espazo e un tempo desligado da súa situación habitual e no cal poidan intercambiar experiencias a través da convivencia nun espazo de lecer.

Como se articula?

A través dunha orde de convocatoria anual onde se valorará unha serie de circunstancias persoais: número de menores/persoas dependentes a cargo, condición de vítima, renda, situación de desemprego, etc.

Atención e asesoramento

Secretaría Xeral da Igualdade: 981.545.351

<http://mulieresengalicia.es>

7.3. Programas de apoio a mulleres xestantes e/ou lactantes con fillas/os menores de tres anos.

Que son?

Son programas destinados ás mulleres xestantes e lactantes con fillas/os menores de 3 anos, en situación de posible vulnerabilidade social e/ou laboral e dirixidos a evitar a exclusión destas mulleres promovendo accións para o seu desenvolvemento persoal, familiar e laboral. Contemplan actuacións relacionadas con: a información sobre recursos para elas e para as súas fillas/os; o acompañamento social e apoio psicolóxico para superar as cargas emocionais que poida provocar a situación de embarazo ou maternidade; a orientación, asesoramento e busca de emprego activa; adquisición de competencias e habilidades cara á súa inserción no mercado laboral como a afrontar a súa situación persoal; así como medidas de apoio urxente complementarias.

Que obxectivos teñen?

- Potenciar a autonomía da mulleres destinatarias das accións, proporcionándolles apoio, asesoramento e acompañamento, respecto aos recursos aos que poden optar pola súa situación persoal, económica ou social.
- Favorecer a súa incorporación ao mundo laboral, posibilitándolles a asistencia a actividades de formación.

Como se articula?

Articúlanse a través dunha orde anual de convocatoria de subvencións para as entidades privadas sen ánimo de lucro, inscritas no Rexistro Único de Entidades Prestadoras de Servizos Sociais, entre cuxos fins estea a protección das nais xestantes.

Atención e asesoramento:

Secretaría Xeral da Igualdade: 981. 547.397

<http://mulleresengalicia.es>

7.4. Programa de acollemento familiar

Que é?

É un recurso mediante o cal unha familia, unha persoa ou unha parella atende no seu fogar unha nena, neno ou adolescente que temporalmente non pode residir co/s súa/s proxenitora/s ou/e proxenitor/es.

O acollemento non é unha forma de adopción, xa que sempre é temporal e non rompe os vínculos do neno ou nena coa súa familia de orixe; ao contrario, a familia acolledora debe colaborar para que se manteñan e se fortalezan as relacións do neno co seu núcleo familiar, favorecendo así o regreso ao seu fogar.

Quen pode beneficiarse?

Poden formar parte do programa as nenas, nenos ou adolescentes que están baixo a tutela ou a garda administrativa da Xunta de Galicia, porque non poden seguir residindo no seu fogar.

En canto ás persoas acolledoras, pode ser calquera persoa, matrimonio ou parella de feito, con ou sen fillas e/ou fillos, e de calquera condición social, ideoloxía ou crenzas. Só se require que exista vontade de acoller aceptada por todo o núcleo familiar, capacidade para cubrir as necesidades básicas da/o nena/o, estabilidade emocional e capacidade para aceptar as características da nena ou do neno así como as da súa familia de orixe.

Que modalidades de acollemento familiar hai?

Podemos distinguir distintas modalidades, segundo os criterios que utilizemos:

CRITERIO	MODALIDADES
Vinculación menor-familia acollidora	Familia extensa / Familia allea
Finalidade	Simple/ Permanente
Forma de constitución	Administrativo/ Xudicial/ Provisional
Retribución	Non remunerados/ Remunerados
Convivencia	Convivencia plena/ De fin de semanas e/ou vacacións/ De día/noite

Como se articulan?

As familias, persoas e/ou parellas que estean interesadas en acoller a unha ou un menor deberán presentar unha solicitude ás xefaturas territoriais da Consellería de Traballo e Benestar. Unha vez presentada a solicitude realízase unha valoración social e psicolóxica da/s persoa/as solicitantes, para comprobar a súa idoneidade e adecuación.

No caso de acollemento en familias alleas, a/as persoa/s, familias valoradas idóneas pasan a formar parte dun banco á espera de atopar unha ou un menor susceptible de ser acollido.

O acollemento familiar formalízase a través dun contrato coa Consellería de Traballo e Benestar no que se reflicten as obrigas e dereitos que teñen como acolledores.

Hai axudas económicas para o acollemento familiar?

Pode haber axudas económicas, son os chamados acollementos remunerados.

Son aqueles acollementos aos que a Administración asigna unha retribución mensual: todos os acollementos en familia allea e aqueles de familia extensa nos que se valore como necesario pola situación socioeconómica da familia.

*Información e asesoramento***ACOLLEMENTO FAMILIAR EN FAMILIA EXTENSA**

Consellería de Traballo e Benestar

Secretaría Xeral de Política Social

Subdirección da Familia e Menores

Telf: 981.544.630

<http://traballoebeneficio.xunta.es>

Xefaturas territoriais:

A Coruña: 981.185.704

Lugo: 982.294.442

Ourense: 988.386.121

Pontevedra: 986.817.044

ACOLLEMENTO FAMILIAR EN FAMILIA ALLEA

Consellería de Traballo e Benestar

Secretaría Xeral de Política Social

Subdirección da Familia e Menores

Telf: 981.544.630

Xefaturas territoriais:

A Coruña: 981.185.704

Lugo: 982.294.442

Ourense: 988.386.121

Pontevedra: 986.817.044

Cruz Vermella: 900.812.880

Sedes provinciais:

A Coruña: 981.221.000

Santiago de Compostela: 981.586.969

Lugo: 982.231.613

Ourense: 988.222.484

Pontevedra: 986.852.115

<http://traballoebeneficio.xunta.es>

http://www.cruzvermella.org/acollemento/index_1_1.html

<http://www.familiasgalegas.org>

7.5. Programa de adopcións

Que é?

A adopción é un recurso legal dirixido a proporcionarlle un fogar permanente á nena ou ao neno que se atopa en situación de abandono ou desamparo.

Segundo se sinala na Convención sobre os Dereitos do Neno, adoptada pola Asemblea Xeral das Nacións Unidas e ratificada por España, todos as nenas e os nenos teñen dereito a

crecer nunha familia. Ás veces, non é posible que esta familia sexa a de orixe da/o nena/o, e é necesario buscarlle unha familia alternativa a través da adopción. Partindo do principio de interese superior da/o menor, a nena ou o neno é o punto de partida do proceso que culmina coa súa adopción. Trátase de atoparlle a mellor familia aos nenos ou nenas, e non de atopar unha nena ou un neno para satisfacer a necesidade das familias.

Como é o proceso?

En liñas xerais, o proceso de adopción comporta as seguintes fases para a familia receptora:

- Sesión informativa. As persoas interesadas en adoptar deben asistir a unha reunión informativa na xefatura territorial que corresponda ao seu domicilio. Ofrécese información acerca do procedemento, trámites necesarios, requisitos, tempos de espera, información por países, Entidades de Colaboradoras de Adopción Internacional (Ecais), e se resolven as dúbidas que poidan formularse.
- Curso de formación, no que as/os profesionais (psicólogos/os e traballadoras/es sociais) abordan cuestións relacionadas coa adopción como poden ser as características dos menores que poden ser adoptados, as motivacións para a adopción, o momento da chegada do neno ou nena á familia, o período de adaptación, a revelación da condición de adoptado, a identidade étnica e cultural, etc.
- Presentación de solicitude e documentación complementaria.
- Valoración da idoneidade. Trátase dun estudo psicolóxico e social das persoas solicitantes, para determinar se posúen as capacidades necesarias para atender as necesidades das/os nenas/os que vaian ser adoptadas/os.
- Tramitación do expediente ao país elixido, en caso de adopción internacional.
- Selección da familia mais axeitada para a nena ou o neno que vaia ser adoptada/o.
- Formalización da adopción mediante resolución xudicial.
- No caso de adopción internacional, esta ven precedida pola viaxe ao país para a recollida da nena ou do neno.

- No caso de adopción nacional, pode darse antes un período de acollemento preadoptivo durante o que se traballa o acoplamento da nena ou do neno na súa nova familia.
- Seguimento post adoptivo.

Información e asesoramento

Consellería de Traballo e Benestar

Secretaría Xeral de Política Social

Subdirección da Familia e Menores: 981.544.630

Xefaturas territoriais:

A Coruña: 981.185.704

Lugo: 982.294.442

Ourense: 988.386.121

Pontevedra: 986.817.049

<http://traballoebeneficencia.xunta.es>

<http://adopcions.xunta.es>

7.6. Programa de mediación familiar

Que é?

Enténdese por mediación familiar o procedemento de carácter voluntario dirixido a facilitar a comunicación entre os membros da familia, co fin de que xestionen por si mesmos unha solución aos conflitos que os afecten coa intervención dunha persoa mediadora, quen actuará de forma neutral, imparcial e confidencial.

Cales son os seus obxectivos?

- A procura común de solucións satisfactorias e duradeiras no tempo.
- Minimizar o custo emocional que todo conflito produce en todos os membros da familia.
- Restablecer e/ou mellorar as relacións, presentes e futuras, entre as partes en conflito.

- Evitar a instrumentalización dos demais membros da familia, e, en especial, das e dos menores.
- Asegurar a protección do interese superior da ou do menor e do seu benestar.
- Favorecer a responsabilidade parenteral compartida.

Como se accede?

As persoas interesadas deben presentar unha solicitude de designación da mediación familiar (anexo II do Decreto 159/2003, do 31 de xaneiro) e a documentación requirida para os efectos. Poderán presentala de xeito conxunto ou unha das partes, proporcionando os datos da outra parte para solicitar o seu consentimento.

Poderán elixir a persoa mediadora entre as e os profesionais inscritos no Rexistro de Mediadoras e Mediadores Familiares de Galicia. Se non hai acordo, será designada de oficio pola Secretaría Xeral de Familia e Benestar.


Atención e asesoramento

Secretaría Xeral de Política Social.

Subdirección da Familia e Menores: 981.957.165

<http://www.familiasgalegas.org>

<http://traballoeбенestar.xunta.es>



8. Programa de atención a mulleres vítimas da violencia de xénero

A Lei galega 11/2007, do 27 de xullo, para a prevención e o tratamento integral da violencia de xénero ten por obxecto a adopción de medidas integrais para a sensibilización, a prevención e o tratamento da violencia de xénero, así como a protección e o apoio ás mulleres que a sofren. Entendendo por **violencia de xénero** “calquera acto violento ou agresión, baseados nunha situación de desigualdade no marco dun sistema de relacións de dominación dos homes sobre as mulleres que teña ou poida ter como consecuencia un dano físico, sexual ou psicolóxico, incluídas as ameazas de tales actos e a coacción ou privación arbitraria da liberdade, tanto se ocorren no ámbito público coma na vida familiar ou privada”.

Que dereitos teñen as mulleres que sofren violencia de xénero?

Dereito á información	Información e asesoramento individualizado que inclúa información sobre medidas de protección e seguridade.
Dereito á asistencia social	Información. Atención psicolóxica. Apoio social. Apoio educativo á unidade familiar. Formación preventiva en igualdade. Apoio á formación e inserción laboral. Apoio económico. Apoio á adquisición ou alugueiro de vivenda.
Dereitos laborais e de seguridade social	Redución xornada laboral. Reordenamento do tempo traballo. Mobilidade xeográfica. Cambio de centro de traballo. Suspensión da relación laboral con reserva de posto.

	Extinción definitiva da relación laboral coa consideración de situación de desemprego involuntario.
Dereito á asistencia xurídica gratuíta	Sempre que non teña ingresos superiores ao dobre do indicador público de renda para efectos múltiples (IPREM)
Dereitos económicos	Axudas sociais: Axudas periódicas Axudas económicas e/ou indemnizacións de pagamento único Renda de integración social de Galicia (RISGA) Renda activa de inserción (RAI)

Cales son os recursos dispoñibles para as mulleres que sofren violencia de xénero?

Programas e medidas específicas	Rede de información ás mulleres. Teléfono da muller. Asesoramento xurídico en liña. Punto de coordinación de ordes de protección. Programa de atención psicolóxica. Programa “Abramos o Círculo”.
Recursos residenciais	Rede de casas de acollida para mulleres maltratadas. Centro de Emerxencia de Vigo. Vivendas de seguridade para vítimas de explotación sexual e trata.
Prestacións económicas	Axudas periódicas de apoio a mulleres que sofren violencia de xénero. Axudas económicas de pagamento único para mulleres vítimas

	de violencia de xénero. Indemnizacións, de pagamento único, a favor das mulleres que sofren violencia de xénero e das persoas dependentes económica ou asistencialmente dunha muller que sufra violencia de xénero. Renda de Integración Social de Galicia (RISGA). Renda Activa de Inserción (RAI).
--	--

Rede de Información ás Mulleres

É o primeiro elemento de detección e atención ás mulleres e, en especial, as vítimas da violencia de xénero. Esta constituída por case 80 Centros de Información ás Mulleres (CIM), que cobren a totalidade do territorio galego.

Os CIM están destinados a proporcionar asesoramento xurídico, atención psicolóxica, orientación profesional, información en materia de recursos e calquera outra información encamiñada a consecución da igualdade das mulleres.

<http://mulleresengalicia.es>

<http://igualdade.xunta.es/cim-centros-informacion-muller-galicia>

Teléfono da muller

O Teléfono da Muller é un servizo gratuíto de atención continuada, as 24 horas do día, todos os días do ano. Prestan atención en 51 idiomas e con acceso a persoas xordas. Responde nel un equipo multidisciplinar coordinado cos diferentes profesionais de toda Galicia.

Telf: 900.400.273

Telf: 900.152.152 para mulleres xordas

<http://mulleresengalicia.es>

Asesoramento xurídico en liña

Servizo en liña para proporcionar, de maneira gratuíta, información e asesoramento xurídico sobre diversas cuestións, entre elas a violencia de xénero, agresións e abusos sexuais, o acoso sexual, a conciliación familiar, discriminacións por razón de sexo, prostitución e trata, etc.

<http://mulleresengalicia.es>

<http://igualdade.xunta.es/asesoramentoXuridico>

Programa de atención psicolóxica

Destinado a proporcionar axuda ás vítimas de violencia de xénero para afrontar a situación que sufriron e a reforzar a súa autoestima, ademais de ser un apoio na recuperación ou adquisición de habilidades e capacidades que lles permitan lograr a autonomía e a integración na vida social e laboral. Tamén as/os menores e persoas delas dependentes poden utilizar este recurso.

Colexio Oficial de Psicoloxía de Galicia: 629.777.595

<http://www.copgalicia.es>

Secretaría Xeral da Igualdade: 981.545.351

<http://mulleresengalicia.es>

Programa Abramos o Círculo

Programa de atención psicolóxica especializada e de apoio, financiado pola Secretaría Xeral da Igualdade da Xunta de Galicia, e dirixido a homes que adoptan actitudes inadecuadas e

violentas nas relacións coa súa parella, coa súa familia, co seu círculo social e desexan adquirir novos modos de comportamentos exentos de agresividade.

Colexio Oficial de Psicoloxía de Galicia.: 630.170.140 (10-13 horas e de 16-19 horas)

<http://www.copgalicia.es>

Secretaría Xeral da Igualdade: 981.545.351

<http://mulleresengalicia.es>

Punto de coordinación das ordes de protección

Este servizo leva a cabo o seguimento das ordes de protección das mulleres vítimas de violencia, realizando as xestións oportunas ante as diferentes administracións para facilitarlle o acceso aos recursos existentes e ofrecerlles un marco integral de protección.

Por tanto, unha vez recibida a orde de protección, orde de alonxamento ou outra medida, iníciase o contacto coa vítima para, coñecendo a súa situación persoal e as súas propias necesidades, informala do recursos asistenciais e de protección social existentes que pode solicitar.

Secretaría Xeral da Igualdade: 881.999.164

<http://mulleresengalicia.es>

Rede de acollida para vítimas de violencia de xénero

Ante a situación de indefensión en que se atopan moitas mulleres en situación de violencia de xénero, nalgúns casos con grave perigo para elas e os seus fillos e as súas fillas, a Xunta de Galicia ten articulada unha rede de acollida, en colaboración cos concellos e outras institucións, formada por:

- **Casas de acollida:** para aquelas mulleres galegas que o precisen, teñan un lugar de referencia onde acudir e dispoñan dun tempo e un espazo no que poidan reorientar a súa

situación persoal, facilitándolles as ferramentas elementais, tanto económicas coma psicosociais.

- **Pisos tutelados:** para aquelas mulleres que despois de residir temporalmente nunha casa de acollida, necesiten, aínda sen correr riscos graves, un tempo máis prolongado para a súa inserción laboral e independencia económica. Permítelles contar con aloxamento compartido con outras mulleres en situacións similares durante o tempo necesario para recuperar a súa vivenda e/ou encouzar o seu proxecto de vida evitando precipitacións que impiden tomar as decisións máis axeitadas en cada caso.

- **Centro de emerxencia de Vigo:** centro de acollemento, protección e seguridade para as mulleres que se atopen en situación de perigo ou grave risco para a súa vida ou integridade física e/ou psíquica ou persoas delas dependentes. Funciona como un recurso residencial de carácter limitado que ofrece acollemento, atención e recuperación ás mulleres e ás persoas menores ao seu cargo no termo municipal de Vigo e na súa área metropolitana.

- **Vivendas de seguridade para vítimas de explotación sexual e trata:** Son aqueles dispositivos onde se lles presta atención integral (acollida, axuda e asistencia directa) a mulleres vítimas de explotación sexual e trata, destinados a facilitar ás mulleres que deciden abandonar a situación de explotación, dun espazo de reflexión previo á denuncia que resulte suficiente para que a vítima poida restablecerse e escapar á influencia dos traficantes e/ou poida decidir, con coñecemento de causa, a súa cooperación coas autoridades competentes.

Secretaría Xeral da Igualdade

<http://mulleresengalicia.es>

Axudas periódicas de apoio a mulleres que sofren violencia de xénero.

A finalidade destas axudas é proporcionar apoio económico ás mulleres, empadroadas e residentes na Comunidade Autónoma de Galicia e, no caso das mulleres estranxeiras, que

teñan permiso de residencia., que perciban uns ingresos mensuais iguais ou inferiores a 1,5 veces o IPREM vixente, que sofren violencia de xénero, para tentar garantirlles unhas condicións suficientes de independencia económica respecto do agresor, condicións que lles posibiliten dar o primeiro paso ou consolidar a ruptura dunha situación na que corren perigo.

Tel.: 900.400.273

<http://mulleresengalicia.es>

Axudas económicas de pagamento único

Axuda económica de pagamento único para mulleres vítimas de violencia de xénero, que residindo na Comunidade Autónoma de Galicia, acrediten insuficiencia de recursos (carencia de rendas que, en cómputo mensual, superen o 75 por cento do salario mínimo interprofesional vixente, excluída a parte proporcional de dúas pagas extraordinarias) e unhas especiais dificultades para obter un emprego.

Tel.: 900.400.273

<http://mulleresengalicia.es>

Indemnizacións de pagamento único ou Fondo Galego de Garantía de Indemnizacións

Son axudas de indemnizacións, de pagamento único, a favor das mulleres que sofren violencia de xénero e das persoas dependentes económica ou asistencialmente dunha muller que sufra violencia de xénero que teñan dereito á percepción da indemnización, exista constatación xudicial do incumprimento do deber de satisfacela e, como consecuencia, se produza unha situación de precariedade económica.

Tel.: 900.400.273

<http://mulleresengalicia.es>

Renda de Integración Social de Galicia (RISGA)

É unha prestación social de carácter periódico destinada a garantir recursos económicos de subsistencia a quen careza deles, mediante un proxecto personalizado de inserción que, partindo das necesidades e características de cada caso, procure a autonomía persoal, familiar e económica do beneficiario, e acade a súa integración social e/ou laboral.

<http://benestar.xunta.es/web/portal/renda-integracion-social>

Renda Activa de Inserción (RAI)


É un programa que vincula a percepción dunha axuda económica coa realización de accións en materia de políticas activas de emprego, como o asesoramento personalizado para a busca de traballo, a incorporación preferente a cursos de formación profesional e/ou talleres de emprego, etc, co fin de incrementar as oportunidades de retorno ao mercado de traballo.

Destinada, entre outros colectivos, ás mulleres vítimas de violencia de xénero, menores de 65 anos, inscritas como demandantes de emprego e carezan de rendas, de calquera natureza, superiores en cómputo mensual ao 75% do SMI, excluída a parte proporcional das dúas pagas extraordinarias.

Acceso a través dos servizos públicos de emprego.

Tel.: 901.119.999

<http://www.sepe.es>



9. Recursos para familias con persoas en situación de dependencia

Que é a dependencia?

É o estado de carácter permanente no que se encontran as persoas que, por razóns derivadas da idade, enfermidade ou discapacidade e ligadas á falta ou á perda de autonomía física, mental, intelectual ou sensorial, precisan a atención doutra ou doutras persoas ou axudas importantes para realizar as actividades básicas da vida diaria ou, no caso das persoas con discapacidade intelectual ou enfermidade mental, doutros apoios para a súa autonomía persoal.

Deben darse tres circunstancias para que unha persoa se encontre en situación de dependencia:

- A existencia dunha limitación (física, intelectual ou sensorial) que mingua determinadas capacidades da persoa.
- A incapacidade da persoa para realizar por si mesma as actividades da vida diaria.
- A necesidade de asistencia por parte dunha terceira persoa.

Cales son os graos de dependencia?

Na valoración das persoas establécense graos de dependencia, en función da intensidade e tipo de axuda que se necesita doutra persoa:

- Grao I. Dependencia moderada: cando a persoa necesita axuda para realizar varias actividades básicas da vida diaria, polo menos unha vez ao día ou ten necesidades de apoio intermitente ou limitado para a súa autonomía funcional.
- Grao II. Dependencia severa: cando a persoa necesita axuda para realizar varias actividades básicas da vida diaria, dúas ou tres veces ao día, pero non require a presenza constante dun coidador ou ten necesidades de apoio extenso para a autonomía funcional.
- Grao III. Gran dependencia: cando a persoa necesita axuda para realizar varias actividades básicas da vida diaria varias veces ao día e, pola súa perda total de

autonomía mental, intelectual, sensorial ou física, necesita a presenza indispensable e continua doutra persoa ou ten necesidades de apoio xeneralizado para a súa autonomía funcional.

En cada un dos graos, estableceranse dous niveis, en función da autonomía da persoa e da intensidade dos coidados que require.

Cales son as prestacións e servizos do Sistema para a Autonomía e Atención á Dependencia (SAAD)?

As persoas dependentes teñen acceso ao catálogo de prestación de atención á dependencia de acordo co seu grao e nivel.

Servizos	Servizos de prevención da dependencia e de promoción da autonomía persoal. Servizo de teleasistencia e xeolocalización. Servizo de axuda no fogar. Servizo de atención diúrna e de atención nocturna. Servizo de atención residencial Outros centros de atención a persoas en situación de dependencia, en razón dos distintos tipos de discapacidade.
Prestacións Económicas	Libranza de coidados no contorno familiar. Libranza de asistencia persoal. Libranza vinculada ao servizo

Hai outros servizos e recursos para a atención da dependencia?

En Galicia o catálogo de servizos contempla ademais:

- ✓ Servizo Galego de Apoio á Mobilidade Persoal (SGAMP 065): que é un servizo público de carácter social que, mediante vehículos de transporte adaptados, facilita desprazamentos programados e non urxentes a persoas en situación de dependencia, de discapacidade ou con dificultades de mobilidade.

Ten como obxectivos:

- Poner a disposición das persoas con discapacidade e/ou dependentes que teñan dificultades de mobilidade os medios adecuados ás súas necesidades, que lles faciliten a dita mobilidade.
- Garantir o acceso, en condicións de igualdade efectiva, das persoas con discapacidade e/ou dependentes aos servizos esenciais, favorecendo así a súa comunicación e participación no seu contorno habitual.
- Dispoñer de recursos para a normalización da realización das actividades instrumentais e básicas da vida diaria por parte das persoas con discapacidade e/ou dependentes. Servizo de axuda ao desprazamento programado e non urxente para achegar as persoas con discapacidade e/ou dependentes a programas, centros ou servizos.
- ✓ Formación e asistencia técnica: dirixida ás persoas profesionais do ámbito dos servizos sociais e sanitarios implicados no desenvolvemento do sistema da dependencia.
- ✓ Apoio á persoa coidadora: mediante accións formativas de carácter non formal e de apoio ás/aos coidadoras/es non profesionais nas habilidades para o seu propio coidado e para a atención das persoas na situación de dependencia.

E, ademais, existen axudas económicas, convocadas anualmente ás que teñen acceso aquelas persoas recoñecidas en situación de dependencia, para:

- Adquisición e reparación de axudas técnicas para a autonomía persoal e produtos de apoio.
- Eliminación de barreiras arquitectónicas e adaptación funcional.

Como solicitar o recoñecemento da situación de dependencia?

O procedemento iniciárase por instancia da persoa que poida estar afectada por algún grao de dependencia ou quen desempeñe a súa representación.

O procedemento consta de dúas fases:

1ª fase: valoración integral da persoa solicitante e resolución que determinara o grao e nivel de dependencia, así como o seu carácter permanente ou revisable e os servizos e/ou prestacións económicas que lle podan corresponder.

2ª fase: elaboración e resolución dun Programa Individual de Atención (PIA), no que se expresará de entre os servizos e prestacións económicas previstas para o seu grao e nivel, aqueles máis adecuados ás necesidades da persoa en situación de dependencia e incorporará, se é o caso, os servizos que xa estea a gozar.

Atención e asesoramento

Xefaturas territoriais da Consellería de Traballo e Benestar

A Coruña: 881.881.513


Lugo: 982.889.157

Ourense: 988.386.785

Pontevedra: 986.817.805

Dirección Xeral de Política Social: 900.333.666

<http://benestar.xunta.es>



10. Outros recursos de interesse para as famílias

Contía do salario mínimo interprofesional para o ano 2012

Mensual	641,40
Anual	8.979,60

Contía do indicador público de renda de efectos múltiples (IPREM) para o ano 2012

Mensual	532,51
Anual	6.390,13

Contía das pensións de xubilación e invalidez da Seguridade Social na modalidade non contributiva para o ano 2012

	Mensual	Anual
Íntegra	343,1	4.866,40
Mínima	84,93	1.188,95
Complemento 3ª persoa	169,85	2.377,90
Complemento para aluguer residencia habitual		525,00

<http://traballoebenefestar.xunta.es>

Teléfono social

É unha liña gratuíta que funciona como punto de axuda, información e orientación para as persoas con dependencia, maiores e/ou con discapacidade que nalgún momento se sintan maltratadas por outra persoa, sexa descoñecida, veciña, familiar ou amiga.

Tel.: **900.333.666**

Teléfono do menor ou liña de axuda á infancia

É unha liña gratuíta que funciona durante todo o ano, as 24 horas do día, constituíndo un servizo para todos os nenos e nenas que nalgún momento se sintan maltratados por outra persoa, necesiten axuda ou queiran falar sobre os problemas que lles afectan. Tamén poden chamar todas aquelas persoas que saiban ou sospeiten que algún neno ou nena pode estar a ser maltratado ou que non está a ser correctamente atendido.

Tel.: **116.111**

Teléfono solidario

É un servizo gratuíto e anónimo que dá orientación e información, sobre todo, referente ao voluntariado.

Tel.: **900.400.800**

Renda de Integración Social de Galicia (RISGA)

É unha prestación social de carácter periódico destinada a garantir recursos económicos de subsistencia a quen careza deles, mediante un proxecto personalizado de inserción que, partindo das necesidades e características de cada caso, procure a autonomía persoal, familiar e económica do beneficiario, e acade a súa integración social e/ou laboral.

Axudas para situacións de emerxencia social (AES)

Son axudas económicas de carácter extraordinario e de pagamento único, destinadas a paliar situacións de emerxencia que orixinen gastos extraordinarios para cubrir necesidades específicas de carácter básico e urxente.

Pensións non contributivas (PNC)

As pensións non contributivas aseguran a todos os cidadáns unha prestación económica, asistencia médico farmacéutica gratuíta e servizos sociais complementarios, aínda que non teñan cotizado ou o teñan feito de xeito insuficiente para ter dereito a unha pensión contributiva. Poden ser por invalidez ou xubilación e poden gozar de complementos pola necesidade doutra persoa para as actividades da vida diaria ou/e para o aluguer de vivenda habitual.

Recoñecemento do grao de discapacidade

Trátase do documento que acredita a discapacidade das persoas. Está dirixido a persoas de calquera idade, con deficiencias permanentes non recuperables. As pautas de valoración fundaméntanse sobre todo nos efectos para a capacidade de realizar as actividades básicas da vida diaria.

Se alcanzan unha porcentaxe igual ou superior ao 33% poden acceder a unha serie de beneficios fiscais, laborais, económicos, educativos, sociais, entre outros.

Realízase nos Equipos de Valoración e Orientación (EVO), dependentes das xefaturas territoriais da Consellería de Traballo e Benestar.

A Coruña	Santiago	Ferrol	Lugo	Ourense	Pontevedra	Vigo
981.182.501	881.999.236	981.337.232	982.889.145	988.386.157	986.844.740	986.294.229

Fundación Pública Galega para a Tutela de Persoas Adultas (FUNGA)

É unha entidade de interese galego, sen ánimo de lucro e con personalidade xurídica propia, que ten por finalidade a defensa e protección das persoas en situación de dependencia. Correspóndelle a protección xurídica e social das persoas maiores de idade e en situación de desamparo que teñan a súa capacidade de obrar modificada ou que se atopen incursas nun proceso xudicial de modificación da súa capacidade de obrar, a través do exercicio da tutela, curadoría, defensa xudicial ou administración de bens.

Tel.: 981.957.112 / <http://www.funga.org>

Respiro familiar e apoio social

Son programas para apoiar e aliviar o custo emocional e físico que produce a atención e o coidado permanente a persoas con dependencia (tanto maiores como con discapacidade) contribuindo ao equilibrio emocional da familia e a permanencia das persoas dependentes no seu domicilio habitual.

Acollemento familiar de persoas maiores e persoas con discapacidade

É un programa que facilita a integración de persoas maiores e persoas con discapacidade no seo dunha familia que, ademais de proporcionarlle un ambiente e trato familiar, atenda as necesidades derivadas da súa avanzada idade e/ ou dependencia.

Actividades xuvenís “Acción de Verán”

Acción de Verán é un programa de actividades que ten lugar durante os meses de xullo e agosto, tanto en Galicia como noutras comunidades. Está composto por tres áreas diferentes, que comprenden actividades de ocio para toda a xuventude e actividades de voluntariado en campos de traballo nacionais e estranxeiros.

As actividades da campaña de verán están dirixidas a todos aqueles mozos e mozas que desexen pasar un verán diferente, cooperando en iniciativas sociais ou compartindo

experiencias con outros rapaces en campamentos de todo o Estado. Son unha forma barata e divertida de axudar e gozar.

Telf: 981.544.838 / 981.544.851

<http://xuventude.xunta.es>

Cursos de idiomas no estranxeiro para non universitarios

Axudas dirixidas a mozas e mozos para a realización de cursos de idiomas en calquera país membro da Unión Europea, agás España.

<http://xuventude.xunta.es>

Residencias xuvenís para mozas e mozos que realicen estudos post-obrigatorios (ciclo formativo de grao medio, bacharelato, ciclos de grao superior, estudos universitarios ou estudos superiores de ensinanza artística)

Oferta de prazas nas residencias xuvenís dependentes da Consellería de Traballo e Benestar para o curso académico dirixido:

- ás mozas e mozos menores de 30 anos sempre que no concello onde se atope a súa residencia familiar non exista oferta de centros públicos para realizar os estudos que vai cursar.
- ás mozas e mozos menores de 30 anos que vaian cursar estudos universitarios para os cales o solicitante non acade a nota de corte ou puntuación académica mínima esixida para o ingreso nas facultades ou escolas universitarias da localidade de residencia familiar.

<http://xuventude.xunta.es>

Programa de fomento da inserción laboral das mulleres vítimas de violencia

Fomento da integración sociolaboral, a través das diversas medidas activas de emprego, das mulleres vítimas de violencia que estean desempregadas.

Tel.: 902.125.000

Incentivos á contratación dirixidos a favorecer a conciliación da vida familiar e laboral

Este programa ten por obxecto promover a igualdade de oportunidades no acceso e permanencia no emprego de mulleres e homes e remover os obstáculos que sobre o emprego pode producir a maternidade e outras situacións pertencentes ao ámbito da familia, coa finalidade de favorecer a conciliación da vida laboral e familiar.

Tel.: 902.125.000

Incentivos para promover a afiliación á Seguridade Social das persoas cotitulares ou titulares de explotacións agrarias

Programa destinado a promover a afiliación á Seguridade Social das persoas cotitulares e titulares de explotacións agrarias de Galicia, especialmente das mulleres, coa finalidade de promover a creación do emprego e a mellora laboral no agro galego, facilitando mediante incentivos a súa alta na Seguridade Social.

Tel.: 902.125.000

Bancos municipais de tempo, os plans de programación do tempo da cidade e/ou outras medidas municipais de conciliación.

Programa destinado a subvencionar, as entidades locais galegas, para a posta en marcha e desenvolvemento de diferentes medidas de conciliación, a través das ditas iniciativas.

Tel.: 881.997.387

SECRETARIA XERAL DA IGUALDADE

<http://igualdade.xunta.es>

Teléfono da muller

É un servizo gratuíto e anónimo que funciona as 24 horas do día con cobertura para toda a Comunidade Autónoma que informa e orienta sobre temas da muller, igualdade, corresponsabilidade, etc.

Tel.: **900.400.273**

Tel.: **900.152.152** para mulleres xordas

Axudas ás ANPAS dos centros educativos sostidos con fondos públicos para actividades de conciliación da vida familiar e laboral.

Axudas destinadas ás ANPAS legalmente constituídas, dos centros educativos sostidos con fondos públicos da Comunidade Autónoma de Galicia, para a realización de programas de actividades extraescolares e complementarias dirixidas ao alumnado de educación infantil e primaria, que teñan como fin contribuír á conciliación da vida familiar e laboral, durante o período comprendido entre o 1 de setembro de 2010 e o 30 de xuño de 2011, quedando expresamente excluída a prestación do servizo de comedor.

Subvencións para o apoio ao emprendemento feminino: programa EMEGA

subvencións para apoiar o emprendemento feminino e a consolidación de proxectos empresariais liderados por mulleres como medio axeitado para a súa promoción, participación e progresión no mercado laboral.

SECRETARÍA XERAL DE EMIGRACIÓN

<http://emigracion.xunta.es/>

Axudas extraordinarias a persoas emigrantes retornadas

Axudas extraordinarias a emigrantes galegas e galegos retornados e aos seus familiares, para atender situacións de necesidade ou precariedade económica derivadas do seu

retorno á Comunidade Autónoma de Galicia. Hai unha axuda para facer fronte, de maneira xenérica, á situación derivada do retorno e outra axuda destinada especificamente para os seguintes gastos: traslado de enxoval, gastos da viaxe de retorno e tradución e legalización de documentos.

Axudas de emerxencia social e para a realización de viaxes por razóns de interese social, asistencial ou humanitario

Subvencións a cidadáns e cidadás de orixe galega e nacionalidade española, emigrantes e residentes no exterior e aos seus e ás súas descendentes que se atopen en grave risco de exclusión ou necesidade, para atender casos sobrevidos de emerxencia social, sanitaria, asistencial ou que teñen por finalidade sufragar os custos de emisión de billetes para a realización de viaxes motivadas por causas sociais, asistenciais ou humanitarias.

Axudas para a participación en campamentos e campos de traballo para mozas/os residentes no exterior

Subvención en especie consistente no aloxamento nos campamentos ou residencias xuvenís, o traslado en parte ou na súa totalidade desde o seu país de orixe a Galicia e desde Galicia ao seu país de orixe, o traslado dos participantes desde o aeroporto de chegada en Galicia ata o albergue e o traslado desde o campamento ao aeroporto de regreso.

Programa Reencontros na casa para residentes no exterior

Programa destinado a promover o contacto das persoas galegas residentes no exterior coas súas familias, que deben comprometerse a acollelos, podendo permanecer en Galicia ata completar un período máximo de 3 meses. A axuda é o aboamento dunha parte do custo do desprazamento, correndo pola súa conta todos os gastos de aloxamento, manutención e calquera outro derivado da súa estadía en Galicia.

Programa Reencontros na terra para residentes no exterior

Programa orientado a promover o contacto dos galegos e galegas residentes no exterior coa súa terra e cos seus familiares, fortalecendo así os vínculos de unión con Galicia.

Programa de bolsas destinadas aos cidadáns galegos residentes no exterior para a realización de estudos universitarios oficiais, intercambios universitarios e estudos de formación profesional en Galicia.

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

<http://cpapx.xunta.es/portada>

Asistencia xurídica gratuíta

Información sobre a dita prestación: dende o seu contido e as persoas que poden beneficiarse ata os enderezos e teléfonos de contacto onde solicitala.

Rexistro de parellas de feito

A disposición adicional 3ª da Lei 2/2006, de dereito civil de Galicia, sinala que terán condición de parellas de feito as unións de dúas persoas maiores de idade, capaces, que convivan coa intención ou vocación de permanencia nunha relación de afectividade análoga á conxugal e que a inscriban no Rexistro de Parellas de Feito de Galicia, expresando a súa vontade de equiparar os seus efectos aos do matrimonio. Este Rexistro xestiónase a través das delegacións provinciais, baixo a dependencia directa da Dirección Xeral de Xustiza.

Información sobre o procedemento para solicitalo en:

<http://www.xunta.es/catalogo-de-procedementos?codCons=PR&codProc=212A>

A Coruña	Lugo	Ourense	Pontevedra
981.185.974	982.294.303	988.386.931	986. 805312

Servizos de atención á cidadanía e asistencia ás vítimas

Este servizo supón unha atención personalizada ao cidadán (persoal e telefónica), adaptada ás súas propias características, mediante a orientación e axuda que precisen, tanto se o fan por instancia do órgano xudicial como se é por iniciativa propia.

Comprende non só información xeral (localización e competencia dos órganos xudiciais, procedementos, trámites, requisitos...), senón tamén un asesoramento especializado respecto dos trámites e documentos precisos para reclamar indemnizacións que lles correspondan, tanto nos casos de intervención no proceso sen ser partes (testemuñas, peritos), como nos casos das vítimas de delitos e faltas para obter a través do proceso penal a restitución, reparación ou indemnización dos prexuízos producidos polo feito delituoso.

CONSELLERÍA DE MEDIO AMBIENTE, TERRITORIO E INFRAESTRUTURAS.

<http://www.cmati.xunta.es>

TES+BUS

Trátase dun proxecto conxunto desta consellería e a Consellería de Educación e Ordenación Universitaria, co obxectivo da promoción do transporte público colectivo nas zonas de carácter rural. A actuación TES+BUS consiste na utilización mixta dos servizos de transporte escolar público, de tal xeito que calquera cidadán das zonas onde se implanta poderá utilizar para os seus desprazamentos as rutas destes servizos.

Transporte regular a lugares de lecer

Rutas de transporte nocturno, con destino nalgúnhas das principais zonas de lecer nocturno da comunidade autónoma, cuxo obxectivo é ofrecer un transporte alternativo en datas e horarios a lugares vinculados ao goce do tempo de lecer.

Transporte e tarxeta metropolitana

O Plan de transporte metropolitano naceu co obxectivo de mellorar a mobilidade e accesibilidade no contorno de todas as áreas metropolitanas e, polo tanto, que os cidadáns dispoñan dun mellor servizo de transporte público colectivo, alternativa competitiva e eficiente ao transporte privado. Dentro das súas vantaxes esta a integración tarifaria e a tarxeta de transporte metropolitana, que é unha tarxeta-moedeiro que permite, aos cidadáns que a empreguen, obter os descontos no prezo dos billetes que se abonan nos servizos de transporte público integrados no transporte metropolitano de Galicia.

Normas de habitabilidade de vivendas de Galicia

Esta normativa ten por obxecto establecer as condicións de habitabilidade aplicables ás vivendas en edificacións de nova construción, así como regular os requisitos que deben cumprir as obras de rehabilitación ou obras de ampliación de edificacións existentes, co fin de que as vivendas obxecto das ditas obras alcancen unhas condicións mínimas de habitabilidade.

Adquisición de vivenda - Plan de Vivenda 2009-2012

Plan que pretende facilitar o acceso á vivenda a través da construción de novas vivendas protexidas, por medio de axudas para a adquisición de vivendas ou para a rehabilitación das xa existentes, así como a través do desenvolvemento de solo residencial destinado á construción de vivenda protexida.

AXUDAS QUE PODE PERCIBIR	
ESTATAIS	COMUNIDADE AUTÓNOMA
1. Préstamo convido	Subvencións
2. Subsidiación	
3. Axuda Estatal Directa á Entrada (AEDE) (no caso de adquirir a vivenda protexida)	

<http://www.igvs.es>

Iniciativas para favorecer a acceso á vivenda mediante o aluguer.

Estas medidas favorecen non só a quen aluga senón tamén ao propietario da vivenda de xeito que o seu obxectivo primordial é dinamizar o mercado da vivenda en aluguer tratando de diminuír os riscos por parte de propietarios e por parte de demandantes ou inquilinos.

Ademais do Programa de vivenda en aluguer, cóntanse con axudas directas como:

- Bono-vivenda: destinadas a paliar os gastos derivados do aluguer de vivenda por parte de estudantes de ciclos formativos de grao medio ou superior de formación profesional inicial en centros públicos situados a máis de 50 quilómetros do domicilio habitual.
- Promoción de aloxamentos protexidos: promocións que terán a condición de vivendas protexidas destinadas a ser arrendadas en favor de colectivos determinados por un período de 30 anos.
- Programa Aluga: dirixido ao alugueiro de vivendas. Busca a harmonización co resto de programas de vivenda e configúrase como unha medida de mercado carácter social, cunha dobre finalidade:
 - Favorecer o mercado de aluguer de vivendas en Galicia, promovendo a incorporación a este mercado de vivendas desocupadas de titularidade privada.

- Facilitar o acceso a unha vivenda aos sectores de poboación con niveis de ingresos comprendidos entre 0,7 e 3,5 veces o IPREM, así como a determinados colectivos con ingresos inferiores a 0,7 veces o IPREM, en particular, ás mulleres vítimas de violencia de xénero.

<http://www.igvs.es>

CONSELLERÍA DE ECONOMÍA E INDUSTRIA

<http://www.economiaeindustria.xunta.es>

Plan Galego de Investigación, Desenvolvemento e Innovación Tecnolóxica

A cargo deste programa concédense diferentes axudas e bolsas para a formación, contratación e/ou promoción de investigadores, unidades de I+D, accións de divulgación científica (Diverciencia), etc.

Subvencións para o fomento da propiedade industrial

Entendendo por propiedade industrial, non só as innovacións técnicas (invencións), senón tamén as innovacións de forma (deseños industriais) e de imaxe (signos distintivos).

<http://www.inega.es>

Simuladores

Ferramentas webs nas que poden coñecer o consumo enerxético e as posibilidades de aforro enerxético dos fogares galegos (electrodomésticos , iluminación, consumo oculto).

Comparador de prezos da enerxía

Ferramenta web na que pode consultar a evolución dos prezos da electricidade, gas natural, GLP, gasolinas e gasóleos ata a actualidade.

Plans Renove

Plans de axudas e subvencións para a mellora e modernización de diferentes elementos cara ao desenvolvemento sostible e a eficacia enerxética. Hai os seguintes plans Renove de iluminación, climatización, fiestras, electrodomésticos e vehículos eficientes.

CONSELLERÍA DE CULTURA, EDUCACIÓN E ORDENACIÓN UNIVERSITARIA

<http://www.edu.xunta.es>

Bolsas para a adquisición de libros de texto

Axudas para a adquisición de libros de texto, materiais curriculares e material didáctico e complementario destinadas ao alumnado matriculado en centros sostidos con fondos públicos, segundo cursos renda per capitá familiar establecidos na orde anual de convocatoria.

Axudas para o alumnado de centros sostidos con fondos públicos para realizar actividades de formación en linguas estranxeiras

Axudas destinadas ás familias galegas co fin de facilitar o coñecemento doutras linguas ás súas fillas e fillos, sempre que cursen estudos de 6º de educación primaria; 1º, 2º, 3º e 4º de educación secundaria obrigatoria; e 1º ou 2º de bacharelato ou ciclos formativos de grao superior; en centros sostidos por fondos públicos.

Comedores escolares de centros xestionados pola consellería

É un servizo ofertado a 3,21 euros/día efectivo de utilización por norma xeral, establecendo reducións do 50% (familias numerosas e unidades familiares de rendas baixas) e incluso a

gratuidade para casos específicos (alumnado usuario de transporte escolar, alumnado en situación económica moi desfavorable ou pertencente a colectivos sociais ou étnicos con dificultades de integración que demanden accións de especial protección).

Axudas para financiar o mantemento dos servizos de comedor

Axudas económicas ás asociacións, federacións ou confederacións de nais e pais de alumnas e alumnos legalmente constituídas, e que xestionan comedores escolares en centros públicos dependentes da Consellería de Educación e Ordenación Universitaria.

Subvencións para o desenvolvemento do programa de apertura de centros fóra do horario lectivo aberto a todos os concellos de Galicia

Subvencións destinadas aos concellos de Galicia, para o cofinanciamento do desenvolvemento do programa de apertura de centros educativos públicos fóra do horario lectivo.

Axudas económicas para o alumnado que realiza formación práctica en centros de traballo

Axudas económicas para a realización da formación práctica en centros de traballo (FCT), tanto a alumnado matriculado no derradeiro curso de ciclos formativos de grao medio e superior de formación profesional, módulos profesionais experimentais, artes plásticas e deseño, ensinanzas deportivas e programas de cualificación profesional inicial e que realice a FCT dentro do territorio español como a alumnado matriculado en ciclos formativos de grao medio ou superior de formación profesional inicial ou nun ciclo formativo de artes plásticas e deseño e que realice a FCT en países da Unión Europea.

Axudas a alumnado universitario que teña dificultades económicas, por causa sobrevida ou imprevista, para continuar os seus estudos.

Prazas nos centros residenciais docentes da Coruña, Ourense e Vigo, para alumnado que curse os estudos postobrigatorios non universitarios.

Axudas a estudantes con residencia en Galicia que cursen estudos oficiais fóra da nosa comunidade por non estaren implantados no Sistema Universitario de Galicia.

Axudas a estudantes universitarios, do Sistema Universitario de Galicia ou nos centros asociados da UNED en Galicia, para estadías nalgún Estado membro da Unión Europea co obxecto de coñecer a lingua dese país.

Bolsas para o desenvolvemento de actividades de formación académica de curta duración, desenvolvidas fóra da comunidade autónoma, destinadas a grupos de alumnos universitarios que cursen os seus estudos oficiais nas universidades do Sistema Universitario de Galicia.

Axudas a estudantes universitarios, do Sistema Universitario de Galicia ou nos centros asociados da UNED en Galicia, para a asistencia a congresos, simposios, seminarios ou similares.

Axudas a estudantes universitarios: axudas complementarias ao programa comunitario de mobilidade Erasmus e Suíza, bolsas de nova adxudicación e prórrogas para a realización de estudos de terceiro ciclo, bolsas de nova adxudicación e prórrogas para a realización de máster no SUG, bolsas para á mobilidade de estudantes do SUG en Programas de intercambio con países extracomunitarios (ISEP e similares).

Circuitos culturais. Cultura vai

Programa de espectáculos dirixido ao público infantil e familiar: marionetas e maxia, teatro, música, danza, cine, etc.

Programas de promoción do libro, fomento da lectura e a escrita, e mellora da xestión pública das bibliotecas.

Este programa de actividades inclúe actuacións nos seguintes eidos:

- Animación cultural
- Promoción e difusión do libro
- Congresos e conmemoracións
- Fomento da lectura e da escrita
- Xestión do libro e bibliotecas

CONSELLERÍA DE SANIDADE

<http://www.sergas.es>

Teléfono de asistencia sanitaria: 902.400.116

O teléfono de atención sanitaria funciona as 24 horas, os 365 días do ano.

Neste teléfono atopará información e consellos relacionados coa saúde e coidados asistenciais sobre situacións que non requiran atención sanitaria urxente.

Saúde en liña: 902.077.333

Servizo de atención telefónica á cidadanía, operativo de 8 da mañá a 9 da noite, a través do que se poderá pedir cita para ser atendido no seu centro de saúde, se reside nas provincias de Lugo, Ourense ou nas áreas sanitarias de Pontevedra e Santiago.

Espazo da cidadanía, na paxina web do SERGAS

A consellería habilitou un espazo destinado a proporcionar información a toda a cidadanía, sobre os aspectos que a continuación se relacionan:

- cidadán e a saúde (dereitos e deberes, tarxeta sanitaria, instrucións previas, protección social, prestacións,...)
- Coñeza os servizos sanitarios (atención primaria e especializada, saúde mental, saúde pública, urxencias, doazóns e transplantes, ...)
- Información de saúde (consellos de saúde, saúde laboral e ambiental, listas de espera,...)
- Coñeza como funcionan (atención ordinaria, centros de saúde, PAC, pediatría, urxencias hospitalarias, ...)
- E conta cunha oficina virtual, a través da cal pódese: pedir cita atención primaria, cambio de médico, tramitar a tarxeta sanitaria e indicar o procedemento e a documentación necesaria para proceder ao reintegro de gastos, entre outras cousas.

A partir deste espazo podemos contactar con:

- **A Escola Galega de Saúde para Cidadáns:** desenvolve accións que melloren as canles de participación de pacientes, familiares, usuarios dos servizos e cidadáns, en xeral.
- **Doazóns e transplantes:** proporciona información sobre a oficina de coordinación de transplantes (OCT), sobre as actividades, centros, lexislación, asociacións de enfermos e transplantados,... E sobre a tarxeta de doador.
- **Doa Sangue:** contacta co Centro de Transfusións de Galicia e informa sobre a doazón, as características do doantes, lugares para doar,...
- **Vacinas:** enlaza coa área de Saúde Pública, enfermidades transmisibles, encargada do tema, informan sobre a vacinación infantil, vacinas de tétanos, antigripal e antipneumocócica, virus do papiloma humano, sobre vacinas para viaxeiros,...

CONSELLERÍA DO MEDIO RURAL E DO MAR

<http://www.xunta.es/medio-rural-e-do-mar>

Axudas para o fomento da contratación dos seguros agrarios

Axudas ás persoas aseguradas titulares de explotacións agrarias, sempre e cando subscriban pólizas de seguros de liñas agrícolas, gandeiras e acuícolas. Así como a cobertura de danos ocasionados sobre as instalacións e elementos produtivos.

Axudas para a mellora da eficacia e sustentabilidade das explotacións agrarias e para a incorporación de novos activos agrarios

Estas axudas tentan favorecer o relevo xeracional de titulares de explotacións, favorecendo a incorporación de persoas, entre 18 a 40 anos de idade, á actividade agraria. A estas medidas engádense outras como as axudas á mellora das condicións de vida e traballo das persoas titulares e das empregadas nas explotacións; mellora e ordenación de producións en función das necesidades de mercado; aforro de enerxía e/ou auga, ou a incorporación de novas tecnoloxías; adecuación á normativa comunitaria en materia de ambiente, hixiene e benestar dos animais; protección do solo e o medio ambiente.

Axuda para a subministración ao alumnado de centros escolares (infantil, primaria e secundaria) de leite e determinados produtos lácteos.

Axuda para a distribución de froitas frescas ao alumnado de centros escolares (2º ciclo de infantil, primaria e secundaria obrigatoria)

Convocatoria de bolsas para a formación e de prácticas en temas relativos a agricultura e pesca

bolsas de formación de persoal tecnólogo e persoal de apoio á investigación, bolsas de prácticas para os titulados recentes en especialidades agrarias, forestais, veterinaria, tecnoloxía dos alimentos e bioloxía e bolsas de prácticas para alumnos e titulados recentes de formación profesional da familia agraria.

Bolsas de formación en réxime de empresa tutelada para titulados en ciclos formativos de acuicultura

galicia

